

# *Go Ba MONG WA DILO TŠOHLE*

 Ke no ba ke thabile kudu go ba mo. Ke leboga dithapelo tša lena ge le kwele kotsi ye nnyane ke bilego nayo. Go no ya go bontšha gore Sathane a ka se go tše go fihlela Modimo a le komana. Gomme ke a thank a bontši bja lena le makala ka fao go . . . se se diregilego. Ka mehla ke be ke rata . . . Bjalo ka ge le tseba ke . . . boithabišo bja ka, goba se ke iketlago ka sona, e ka ba go ya go thea dihlapi goba go ya tlase ka polaseng le go thunya, goba go ya go tsoma, goba se sengwe boka seo. Ke thabela seo. Ge nkabe ke ralokile kolofo, nkabe e bile ntle fale moo basadi ba nyakilego go hlobola. Gomme ge nkabe ke bile—gomme ge nkabe ke bile mothekgi wa kgwele, le tseba se e bego e tla ba, seo. Eupsa ke—ke a thaba e bile ka ntle, bjalo ka go thea dihlapi, go tsoma le dilo.

<sup>2</sup> Gomme ka mehla ke thakgalela e tee ya diraborole tšela tša Weatherby Magnum. Gomme ke a thank a yo mongwe a ka be a nthecketše yona ge nkabe ke boletše se sengwe ka yona, eupša ke e bolokile go nnamong gobane ke tšhelete ye ntši kudu ba nyakago go bona go e bea ka fale, gomme nna ke tseba baromiwa ntle le dieta dinaong tša bona. Gomme ka gona ke dire yo mongwe a patelele yeo, a tše tšhelete ye ntši gomme a lefelele raborole? Ngwanešu Art Wilson o fa Billy morago fale Winchester ya mmotlololo wa masomešupa e sego kgale botelele, Roberts makgolopedi masometlhano šupa. Mna. Weatherby o beile pampiri ntle gore a kgone go tše Sethunya sela bakeng sa feelsa photogo ye nnyane ka fale le go dira Weatherby Magnum go tšwa go yona, feelsa go bolokega ka phethagalo. Kafao Ngwanešu Rodney o tla fa kerekeng, Ngwanešu Rodney Armstrong o e rometše kgole gomme o bile le yona e fotoletše ka go Weatherby Magnum. Go nno direga ga se ya fetolelw gabotse. Kafao ge ke e thuntšhitše, ke Weath- . . . Khamphane ya Winchester e bolela gore Sethunya sa bona se tla emela kgatelelo ya diponto bja makgolo a masometshela senyane. Le tseba se seo se tla bago.

<sup>3</sup> Gomme ke nno ba le Sethunya godimo, Ngwanešu Wood o ile tlase kua le nna, gomme e be e no ba e ka ba intšhi go tloga leihlong la ka, ka mokgwa woo. Gomme kgatelelo ye e thuntšego diponto tše makgolo a masometshela senyane bakeng sa dijarata tše masometlhano, molongwana wa Sethunya o ile ntle go leba mothalong wa jarata tše masometlhano, pouto e ile morago ka tsela ye, gomme Sethunya se nno rathagana ka seatleng sa ka. Feela kgabo ya mollo e ka ba bogodimo bjalo ka siling kua, gomme e be e le mabapi le tšohle ke bego ke di tseba bakeng sa motsotswana goba ye mebedi. Gomme, ke phafogile, madi a be a pumpunyega ntle ka mokgwa wo, gomme ke naganne ke be ke bolailwe, kafao ke bile mohuta wa go swara seatla sa ka godimo

ka mokgwa *wola* nakwana. Gomme Ngwanešu Wood . . . ke lekile go lebelela, gomme ga se ke kgone go bona go tšwa leihlong le, gomme ga se ke kgone go kwa le gannyane. Ke ikwetše o ka re ke be ke sepelela godimo ka moyeng. Gomme ke bone Ngwanešu Wood a eya ntle go leba senepša go bona moo kolo e bethilego, gomme ke lekile go goga šedi ya gagwe. Nako yeo o fihlile fale gomme re tla godimo. Gomme ntikodiko ya tshetlana e be e ile thwi go dikologa leihlo. Gomme sefahlego sa ka se be se lebega o ka re o be a nno lahlela hambeka ka go sona, moo e nnogo go budula sefahlego sa ka. Gomme diripana tše kgolo tše boima di kgomaretše feela ka godimo ga leihlo, le go dira ntikodiko thwi go dikologa lerapo la saenase le lerapo la legata *mo*. Ngaka Adair o di topetše ntle.

<sup>4</sup> Matšatši a se makae moragwana, nnete, letšatši la go latela, Doc o be a le ka sepetlele yenamong. Ba nthometše godimo go ngaka ya go ikgetha ka leihlo. O hweditše ntikodiko, feela ka tlase ga pono, ya e ka ba diripana tše masometharo tša dintshetlana di ile thwi ka botebong ka go ntaka ya leihlo. E ka se kgone go topelwa ntle. E ile, ya no foša pono le go dira ntikodiko go dikologa ka mokgwa wo. O rile, “Selo se nnoši ke se tsebago,” Ngaka Adair o ngwadile lengwalo, o rile, “Morena wa go loka o swanetše go be a be a dutše mo pankeng le yena, go šireletša mohlanka wa Gagwe, goba ebile o be a ka se be le hlogo e šetšego.” Sohle Ngwanešu Wood a ka bego a se hweditše e be e tla no be e le go tloga *fa* go theoga, le a bona. Kgatelelo yela e thunyeditšego morago! Ga ke tsebe ka fao e e dirilego. Eupša pouto ye kgolo yela ye boima go tšwa go raborolo ya mmotlololo wa masomešupa e rathagane tsela yohle morago, ge le tseba mo Conservation Club e lego, tsela yohle morago go ya go lešaka la tshepe. Gomme karolo ya sethunya ga se ra tsoge ra e hwetša.

<sup>5</sup> Kafao, go no ya go bontšha se sengwe. Ke na le therò letšatši le lengwe ka yeo, Morena ge a rata, ka “Tshokologo e lokile, eupša bokaonana o e boloke fase. Ge e se ya kgethelwapele go morwalo woo e o tšeago, e tla thunya nako ye nngwe le ye nngwe.” Yeo ke nnete. Kafao le se leke go . . . Bokaonana e be ya setlogo. Um-hum. Eupša e sego go kwera go tšwa go tše dingwe . . . [Kgaetšedi o bolela le Ngwanešu Banham—Mor.] Bjale lebelolang, le a bona. Ke . . . Oo, nnete, le ka eleletša gore dilo di tla bolelwa ka mokgwa woo.

<sup>6</sup> Eupša, bokgole bjo ke tsebago, ga—ga go selo se tee . . . Nnete, ditsebe tša ka, le ka eleletša, e sa na le go lla ge segodišantšu se se dira mmalewaneng. Ke ka baka leo ke bego ke se mo mosong wo. Le a bolela, le e kwa e thunyetša morago le pele. Eupša ba ntšeetše godimo go ngaka ya go ikgetha, ba rile, “Moropana wa tsebe ebile ga se wa ruruga. Gomme ka gona leihlo,” o rile, “o tla no ba pono ya go swana o bilego le yona ka mehla.” O rile—o rile, “E ile ka tlase ga bona. E nno dira ntikodiko go dikologa

ntaka ya leihlo, e ikgobokeditše yonamong.” O rile, “Ka mehla o tla ba le tshetlana.”

<sup>7</sup> Ke rile, “Ke bile le yona ge e sa le ke le bogolo bja mengwaga ye mebedi, yeo ke go tšwa go ye nngwe.”

<sup>8</sup> Ngwanešu Roberson morago kua, ke mmiditše gomme ke be ke mmotša ka yona. O rile, “O se tshwenyege ka seo,” o rile, “Ke na le ponto tše pedi goba tše tharo ka go nna,” o boletše. Ke letšwalaphaga go tšwa ntweng. “Kafao e ka se gobatše, ke bile le bontši bja yona.”

<sup>9</sup> Gomme ke elelwa pono ya Morena e sego telele go fetile. A le elelwa ke e bolela mo? Bobose bja Morena mosong wola, bo rile, “Se boife e ka ba eng, e ka ba kae go ya, goba eng, ka gore Bogona bja Jesu Kriste bja go se tsoge bja palelwa bo na le wena kae kapa kae o yago.” Kafao a ka se kgone, Sathane a ka se kgone go mpolaya go fihla Modimo a re “go fedile.” Le a bona? A ka no e leka, eupša a ka se tsoge a atlega go e dira.

<sup>10</sup> Kafao gona, selo sa go tlabo, ke be ke eya pele go le bjalo, ke eya pele kopanong ya ka, e lego ke kgonnego go bona go tšwa go leihlo le la nngele gabotse, gomme ke be ke eya pele kopanong go le bjalo. Gomme ka gona bona, ngwanešu yo a bego a eya ka go lefeloboloto la Maindia, o ile a swanelo go khansela kopano yela, goba go fega, go fihla ke etla morago Lebopong la Bodikela le go ya godimo ka Lebopong la Bodikela. Kafao re ya go tšea kopano fale. Gomme lebakeng la nako ye, Ngwanešu Arganbright o ntshwere, gomme ka gona ge kopano yela e fedile, ke ya gape godimo kudu go Anchorage, Alaska. Lebaka ke bego ke itshamile kudu....

<sup>11</sup> Bontši bja lena le elelwa pono ye ke bilego le yona, moo ke thuntšego bera ya tšhitšiboya, bera ya tšhitšiboya ya dikgato tše senyane, (gomme kereke e elelwa ke e bolela mo), le tshepe ya dinakaditelele. Ke bile le ye nngwe. Elelwang e godimo ga theipi mo, ke bone bera ye kgolo ye tona ye tsortho. Yeo e ka no ba Kodiak gomme e ka be e se ya šoma tlase kua ka Canada, gobane ga di gona, le a bona. Eupša e ka ba kae e tla bago, e tla ba. E tla ba, seo ke O RIALO MORENA. E tla ba. Le a bona?

<sup>12</sup> Gomme bjale ke a le leboga bakeng sa go nthapelela. Ke tsebile ba bantši ba lena ba tla be ba rapela ge le kwele gore ke gobetše. Gomme sehlopha se tee se sennyane seo se no.... Morwedi wa ka morago kua, Rebekah, o ngwaletše Kgaetšedi Dauch yo a tlago mo kerekeng, lengwalo, gomme a mmotša ka yona. Gomme o leleditše Meda mašego a se makae ka morago ga fao, o rile, “Ga ke tsebe ge eba e thušitše goba aowa, eupša rena bohole sehlopha godimo fa re tlide mmogo.” Modiredi wa Methodist le—le Ngwanešu Brown, leloko la bona le bohole ba bona ba tlide mmogo, ba nthapedišitše bošego bjohle. O rile, “Ga ke tsebe ge eba Modimo o kwele goba aowa, eupša, re tsebile gore Ngwanešu Branham o rapeletše ba bantši kudu, re naganne re tla

mo rapediša." Woo ke mohuta wo A o kwago, le a bona. Yeo ke nnete, mohuta wola boka wola!

<sup>13</sup> Ngwanešu Crase, yo mongwe wa baena ba rena fa, Sathane ka morago ga gagwe feela kgauswana, o iteile mosela, oo, o nno sega ya gagwe... go felela. Ga ke bone ka fao a kilego a tšwa go yona a phela. Gomme ka fao o be a robetše ntle kua ka sepetele gomme o rile go be go le ngwanešu yo monnyane a etla ka gare go tšwa New Albany, a bitšwago Medcalf, gomme o rile, "Ngwanešu Crase, ga—ga—ga ke na maswanedi go tla go go rapelela, eupša," o rile, "Morena o nno e bea pelong ya ka, kafao ga se ke kgone go e thuša." Gomme go no tla ntle le go khunama fase, le go bolela thapelo ye nnyane le go ya ntle. Modimo o fodišitše Ngwanešu Crase thwi fao. Le a bona? Ge, le a bona, ke mpho ya phodišo ka Mmeleng wa Kriste, le a bona, leloko le tee go le lengwe.

<sup>14</sup> Le se ke la nagana gore ka baka la gore o no ba leloko; gore, o no ba leloko le bontši go swana le yo mongwe gape. Woo e no ba bontši monwana wa ka bjalo ka ge letsogo le e le letsogo la ka, goba tsebe ye ke tsebe ya ka. Le a bona? E no ba leloko la mmele. Gomme rena bohole... Ge moleloko yo motee a tlaišega, maloko ohle a tlaišega ka yeo. Kopano, kopano ya go šegofala bjang! Bjale ke...

<sup>15</sup> Ka gona ka morago ga fao, bjale, ke tšere dikopano tše dingwe gape gomme ke tlogile nako ye nnyane fale bakeng sa bošego gape le tabarenakele, ge Morena a rata. Gomme, ge Modimo a rata, Lamorena le le latelago le tlago mosong Ke nyaka go bolela ka *Mohlala wa Moprefeta*, gomme morago, ka tabarenekeleng.

<sup>16</sup> Gosasa bošego, goba Lamorena bošego, ke godimo fa ka Gospel Tabernacle, yo mongwe wa banešu ba rena, Ngwanešu Ruddell. Ke nyaka go bolela ka thuto, *Go Tloša Mušimeetse*, ge Morena a rata.

<sup>17</sup> Gomme ka gona Labobedi la go latela, re swanetše go tloga nako yeo bakeng sa Wisconsin, ka khonferense ya selete ya Banna Ba Kgwebo Ba Full Gospel. Gomme ke tla ba fao mašego a mararo. Yeo ke ka... Billy, leina la toropokgolo yeo ke mang? Amogetše... [Ngwanešu Billy Paul o re, "Green Lake."—Mor.] Green Lake, Wisconsin. ["Labone."] Neng? ["Labone, Labohlano, le Mokibelo; la lesomešupa go ya go la lesomesenyane."] Labone, Labohlano, le Mokibelo; la lesomešupa, lesomeseswai, le la lesomesenyane, kua Green Lake, Wisconsin, khonferense ya selete.

<sup>18</sup> Gomme ka gona ka Lamorena, la masomepedi, ke ka Chicago ka otithoriamong ya Sekolo sa go Phagama, yona otithoriamong ya go swana ye re bego re le ka go yona nako ya mafelelo. Le elelwa se leina lela le lego? [Ngwanešu Billy Paul o re, "Stephen Mather."—Mor.] Otithoriamong ya Sekolo sa go Phagama sa Stephen Mather, bakeng sa Lamorena morago ga sekgalela.

<sup>19</sup> Ka gona ka Mošupologo ke godimo ka . . . Ke lebala leina la lefelo moo Morena a mpontšhitšego khonferense nako yela ka Mokgatlo wa Bodiredi wa Chicago, go kopana le nna go ahlaahla sehlogo, le a tseba. Ke rile, “Gomme Morena o mpontšhitše godimo go lefelo lela.” Ke kopano ya go taelano le Ngwanešu Joseph Boze, e lego ba mo gosasa ka sefofane go mpona, le phathi ya taelano go yena ka Mošupologo.

<sup>20</sup> Ka gona re tla thwi go otlologa gae le go tloga nako yeo, ka gore e tla be e le nako nako yeo go tloga go ya Borwa bja Pines, Carolina Borwa, goba Carolina Leboa. Gomme morago go theoga go ya Columbus, Carolina Borwa. Gomme morago go ya Cow Palace ka Lebopong la Bodikela. Gomme morago godimo go kgabola go ya Grass City, le godimo go ya ka Spokane, godimo go ya ka Canada, gomme morago ka Alaska. Kafao ebang thapelong bakeng sa rena, ka kgonthe re hloka dithapelo tša lena.

<sup>21</sup> Gomme re a rutwa ka Lengwalong gore dilo tšohle di šomela mmogo go iša go tše botse go ba ba ratago Modimo. Gomme ke a dumela, ge e sa le go tloga go se, le go boneng botshepegi bja batho le go ya pele . . . Yo mongwe o rile, “E be e tla direga bjang, gomme Modimo o be a tla e dumelela eng?” Nka be ke bolailwe mo tseleng go ya ntle fale, se sengwe goba se sengwe, O—O bile le se sengwe go se feta ka thoko. Elelwang, Mangwalo ga a kgone go palelwa, “Dilo tšohle di šomela mmogo go isa go tše botse go ba ba ratago Modimo.” Gomme, ge ke tseba pelo ya ka, ke a Mo rata. Ke—ke a Mo rata ka pelo ya ka yohle. Gomme e re tliša kgauswana gannyane mmogo.

<sup>22</sup> Gomme, go nagana bjale, gore yo mongwe le yo mongwe yo a kwelego ka yona, ga ke kgone go kwešiša ka fao ebole ke nago le hlogo goba magetla a a šetšego, le a bona, gomme ke dutše ka go mothuthupo wola wohle. Gore, se kgauswi le nna, seo go molaleng e tla bago sona e ka ba diponto tše dikete tše pedi tša mothuthupo thwi ka sefahlegong sa gago. Le a bona, woo o lekanetše go no go rathaganya, le a bona, go no e swielela ntle. Ge e phatlola sethunya sela se boima sa tshipi gomme sa thuntšhetša molomo wola thwi ntle go leba go mothalo wa jarata tše masometlhano, le—le setoko, le swanetše go no bona sethunya. Se no se lebege bjalo ka sethunya, e no ba diripana di topilwe.

<sup>23</sup> Gomme ka gona, go tšwa go seo, ntle le lengalatsepa le letee. Tumišo e be go Modimo yo a phelago! Feela go lekanelo go nthibela go ya godimo kua go fihla lentšu go tšwa go Eddie le etla gore ke be ke se ka swanela go tla ka nako yela. “Mogau wa go makatša, modumo o bose bjang, wo o phološitšego leratha boka nna!” Gomme go re dira go tseba seo, go thabela Modimo go beng le rena. Modimo o ne rena, gomme re leboga bjang!

<sup>24</sup> Bjale, ke boditše mosong wo ke naganne ke tla tla tlase, gona ngwanešu yo bohlokwa fa ge ke boa morago . . . Ke rile go

Kgaetšedi Wood lehono, ke a thankia Ngwanešu Neville... Billy o mpiditše gomme o rile, "Theetša molaetsa ge o ka kgonan." Gomme ke a dumela seripana se sennyane sa metala wola se se bego se šomegile gomme sa ya fase ka gare ka fase ga leihlo la ka fao, ka kgonthe se be se mpha tsela ye mpe go ya, eupša se tšwele bjale. Ba se dirile e gogolelwé ntle. Gomme kafao gona o rile... Bošegong bjo ke naganne ke tla ya tlase, gomme ngwanešu yola yo bohlokwa ka kgonagalo a rerago ka mokgwaa wola, ke tseba se e lego ge o na le tirelo e tee ye kgolo nako yeo o makgwakgwaa ka kgonthe, le a tseba, le—le mogolo o eswa le go kweša bohloko. Kafao ke naganne ke tla ya tlase, gomme ke topile Mangwalo a se makae go bala. Ke naganne, "Bošego bja selalelo."

Ka mehla ke nyaka go tšea selalelo.

<sup>25</sup> Gona ke bile le bagwera ba se bakae, ba fa felotsoko. Ga ke bone gabotse kudu, bjalo ka ge le kwešiša. E sa le belladonna ka leihlong lela leo le ngangologago, e no ba mohuta wa bosehla. Gomme kafao ba mo, bagwera le meloko ya ngwanešu yo bohlokwa wa ka, F. F. Bosworth, ka Letagong. Kafao Morena a šegofatše batho bale, re sa tšo ba rapelela ka kamoreng ya ka morago.

<sup>26</sup> Bjale, le se lebale, Laboraro bošego ke kopano ya rena ya thapelo ya gare ga beke. Gomme ke a nagana, Ngwanešu Jackson, ya gagwe ke Labone bošego. Gomme Ngwanešu Junior godimo mo ke ka... Goba, Ngwanešu Ruddell ke ka Laboraro bošego. Gomme tabarenekele ka Utica ke ka Laboraro. [Ngwanešu Neville o re, "Yeo ke ka Labone bošego."—Mor.] Ka Labone bošego. Gomme ka gona morago fa Lamorena mosong bakeng sa tirelo ya phuthego.

<sup>27</sup> Gomme ka gona bjale, gomme Lamorena bošego ke swanetše go ya le Ngwanešu Ruddell. Ke be ke eya go e dira ka Laboraro bošego, eupša, beke ye e latelago, eupša nka se kgone go dira seo, kafao ke ile ka swanelaa go e bea ka Lamorena bošego. Eupša bjale batho mo tabarenekeleng, dulang thwi mo ka tabarenekeleng, le a bona, gobane ke ya godimo ga Ngwanešu Ruddell bakeng sa bošego bjoo go no bolela, e sego bakeng sa tirelo ya phodišo. Gomme, eupša elelwang, dulang thwi mo lefelong la mošomo, thwi fa mo tabarenekeleng. Le ke lefelo la lena, le a bona. Gomme kafao re ya go letela nako ye botse. Gomme ka gona bohole le re rapedišeng ge re eya mmogo.

<sup>28</sup> Re tshepa gore Modimo o tla kopana le rena bošegong bjo bjale feela pele ga selalelo. Gomme bjale ke a nagana... A ke sohle re nago le sona, ditsebišo, tše re tsebagoo ka tšona? [Ngwanešu Neville o re, "Ee."—Mor.] Bjale, go beeng tsela... ["Poloko, gosasa morago ga sekglela."] Eng, ngwanešu? ["Poloko, gosasa morago ga sekglela, ka iri ya bobedi."] Poloko. ["Ka Edmonton. Wa J. T. mm."] Oo, ee. Poloko ya... yo mongwe wa ngwanešu baebangedi go tšwa tabarenekeleng ye fa o no

ba . . . Gabotse, ke yo mongwe wa rena fa. O ya ntle le go diša le go rera, Ngwanešu J. T. Parnell. Mmagwe yo monnyane yo bohlokwa o hlokoftše bošego bjo bongwe, yo monnyane, wa go kobega, mme yo mosehla. Gomme e tla ba ka Edmonton, Kentucky. Tirelo ya poloko e gosasa. Ke a tseba ba bantsi ba lena ba maketše, ba ka kgona go iša matšoba go yena, eupša ga se ra kgona. Gomme tsela e nnoši kereke e hwetšago kgare fao, ba ile ba swanela go e leletša ka gare gomme ka gona ba dira monna wa poso go e iša. Gomme e swanetše go ya ntle gosasa, ge eba e fihla fale goba aowa, matšoba, kafao go e dira e be bothata. Eupša ka kgonthe re nyaka go abelana kwelobohloko, ngwanešu, le Ngwanešu wa rena Parnell a lahlegetšwego ke mmagwe, se lego ke sa tšo dira selo sa go swana feela kgauswana. Gomme ke na le nnete gore Kgaetšedi Spencer le ba bangwe ba bantsi mo ba ba abelanago kwelobohloko, le bona, yo a sa tšogo sepela go kgabola meriti le mahloko.

<sup>29</sup> Bjale a re inamišeng dihlogo tša rena feela nakwana, ka Bogoneng bja Gagwe, bakeng sa thapelo. Bjale ke nyaka le nthapediše. Gomme ke mohuta wa bothata fa bošegong bjo, go leka go bona, gomme seetša se se sehlefala. Gomme—gomme leihlo la ka le lokile, eupša ba beile belladonna ka go lona go le nganga. Le tseba se e lego. Gomme go bile ka tsela yeo e ka ba matšatši a tshela bjale, le a bona, gomme o rile go ka no tšea lebaka la beke ye nngwe goba matšatši a lesome. Kafao le nthapedišeng. Gomme ka gona mmalewaneng go tšwa go segodišantšu se kgahlanong le maboto, le nthapedišeng. Gomme a nka kgona go bona seatla sa gago, le Modimo, bjalo ka ge o na le kgopelo e no phagamišetša seatla sa gago godimo. Modimo, araba thapelo, ge re kgobokane ka tiišetšo le go inama bjale.

<sup>30</sup> Tate wa rena wa Legodimong, Wena o kgethile gore re swanetše go kgobokana mmogo. Ke thato ya Modimo gore re swanetše go ikgobokanya renabeng mmogo bjalo ka ge re bona Letšatši le batamela, le gore ka setlwaedi, Morena, go itliša renabeng kgauswana le Wena le kgauswana seng sa rena, ka go tlemo ya kopanelo, ka Madi a tšholotšwego a Jesu ao a e dirago go kgonega.

<sup>31</sup> Re thabile kudu bošegong bjo, Morena. Ga—ga—ga se ka ke ka leboga kudu go—go ba mo, Morena, gomme ke—ke no Go leboga kudu. Ke no se kgone go hwetša mantšu go hlagiša go leboga bjang go ba le pono ya mahlo le go kwa, le go ba magareng ga ba phelago fa mo lefaseng, go tšwetšapele Ebangedi. Go re dira go leboga kudu, Morena, ge re bona ka fao go lego kgauswi feela . . . Ge banna ba kwešišo ye kgolo ba no ngwaya hlogo ya bona le go re, “E kgonne go ba bjang? Seatla sa Modimo se nnoši!” Gona ke inamiša hlogo ya ka ka boikokobetšo, Morena, go bona gore mohlolo o filwe go nna, gore o dirwe go dikologa moo mohlanka wa Gago a emego. Ke thabile kudu. Gomme bjale, Tate, ke gafelagape bophelo bja ka ka go tirelo go Wena

gape, morago ga go sepelela tlase kua. Go se ka tsoge ka ba ka bophelong bokgauswana e ka ba bofe le lehu go feta nako yeo, gomme morago ka phela. Ka fao ke a leboga.

<sup>32</sup> Gomme bjale ke rapediša batho ba bohole bao ba phagamišitšego diatla tša bona bosegong bjo, yo mongwe le yo mongwe wa bona o bile le kgopelo. Gomme bontši bja bona ba ne go fa ditebogo, go nyakile go ba bohole, Morena, ka dipelong tša bona, bakeng sa se O ba diretšego le bona.

<sup>33</sup> Bjale re tlide bosegong bjo go kgobokana go tiragalo ya go ikgetha kudu, ke gore, go tsea se re se bitšago “selalelo,” goba, “Selalelo sa Morena.” *Poledišano* ke “go bolela le, goba go boledišana le.” Gomme seo ke se re se dirago bjale, Morena, go boledišana le Morena wa rena, go boledišana, go bolela, go letela go Yena bakeng sa karabo ya Gagwe.

<sup>34</sup> Gomme bjale, Tate, re a rapela gore O tla boledišana morago go rena bosegong bjo ka Lentšu le le ngwadilwego. Gomme re fe se sengwe ka dipelong tša rena, re bea leeto la rena—la rena—la rena sekeng, Morena, gomme re fe tlhohleletšo ye mpsha. Gomme šegofatša modiša wa rena, Morena, ngwanešu wa rena yo bohlokwa, mohlanka wa Gago, le mosadimogatša wa gagwe le lapa; le matikone le bahlokomelaphahlo, le motho yo mongwe le yo mongwe yoo a tlago kerekeng. O Modimo, re gogelete kgaušwana le Wena. A nke fao go be, bjalo ka ge moreti a rile, “A go šegofatšwe tlemo ye e tlemago dipelo tša rena ka lerato la Bokriste. Kopanelo ya rena ya monagano wa leloko e swana le yela ya godimo.” E fe, Morena. Šegofatša barapedi bohole ba bangwe go kgabaganya lefase. Gomme bjale, Tate, re ngwathele Borotho bja Bophelo ge re letetše go Wena. Leineng la Jesu Kriste, Ngwana wa Gago wa go ratega, re a ekgopela. Amene.

<sup>35</sup> Bjale, batho ba bantsi ba rata go maraka fase mantšu moo modiredi a ka go bala. Gomme ke na le... Morago ga sekgalela se ka morago ga ge ke be ke le ntle le Ngwanešu le Kgaetšedi Wood, gomme re be re le tlase go bona Ngwanešu wa rena Gobel Roberson, gomme kafao re bile, ka kamoreng ya gagwe ya pealatšo, kafao re tlide morago, gomme ke naganne... Bona... Kgaetšedi Wood o be a mpotša molaetša wa go makatša wo modiša wa rena a bilego le wona mosong wo. Gomme ke nno direga go nagana ka moisa yo monnyane wa go šokiša, a ka no ba le mogolo wa go baba, gomme ke na le le nna, eupša ke—ke naganne re ka abelana se mmogo, mohlomongwe, ge a nkgopetše go bolela. Gomme ke theošitše dinoutse di se kae fa tšeо ke tla ratago go bolela ka tšona.

<sup>36</sup> Sa pele, a re phetleng go Bakorinthe ba Bobedi 6:7 go ya go 10. Bakorinthe ba Pele, tema ya 6, temana ya 7 le ya 10, go akaretša. Gomme morago Genesi 14:18 go fihla 19. Gomme go goga go tšwa fao, Morena ge a rata, kgwe-... goba kgwekgwe go tšwa go tema. Gomme bjale ke tla bala go tšwa go Bakorinthe

ba Pele...goba go tšwa go Bakorinthe ba Bobedi, ba pele, Bakorinthe ba Bobedi 6:7 go ya go 10.

*Ka lentšu la therešo, ka maatla a Modimo, ka tlhamo ya toko ka go letsogo le letona le go le letshadi,*

*Ka tlhompho...go hloka tlhompho, le ka pego ye mpe le pego ye botse: bjalo ka bafori, gomme efela ka therešo;*

*Bjalo ka ba go se tsebje,...efela re tsebega gabotse; bjalo ka ba go hwa, gomme, bonang, re a phela; bjalo ka ba go solwa, gomme ra se bolawe;*

*Bjalo ka ba manyami, efela ka mehla ba ba hlalalago; bjalo ka badiidi, efela re dira ba bantsi ba go huma; gomme re se ne selo, gomme efela re le beng ba dilo tšohle.*

Genesi 14:18 le 19.

*Gomme Melekitsedeke kgoši ya Salema o tlišitše borotho le beine: gomme o be a le moprista wa yo godimodimo...*

*Gomme o šegofaditše Abraham, gomme o rile, A go šegofatšwe Abraham wa Modimo yo godimodimo, mong wa legodimo le lefase:*

<sup>37</sup> Gomme ge nka e bitša sehlogo, ke tla rata go bolela ka thuto, ya...*Go Ba Mong Wa Dilo Tšohle.* Bjalo ka go Bakorinthe fa, re...*Go Boletšwe gore re—re a diila, efela re beng ba dilo tšohle.* *Go Ba Mong Wa Dilo Tšohle.* Bjale, ke rata seo. Bjale ka go Genesi re bala ka ga Abraham a kopana le Monna yo mogolo yo a bitšwago Melekitsedeke, Yo a bego a le Mong wa bobedi Legodimo le lefase. Gona, O be a le Mong wa dilo tšohle, Mong wa Legodimo le wa lefase, ke gore, wa dilo tšohle.

<sup>38</sup> Bjale, re tseba kanegelo ya Abraham le se se diregilego. O be a bileditšwe go le—le lefelo la mošomo. O be a bileditšwe ka ntle ga naga ya gagwe, naga ya Bakaladea, le toropokgolo ya Ure, moo a bilego fale le tatagwe le batho ba gabo. Gomme ke tlase ka meeding ya Siniara, ka kgonagalo naga ya go huma. Gomme Abraham, bjalo ka ge re kwešiša, o be a se motho yo a itlhaotšego mo pele ga lefase. Gomme go sego bjalo, o be a se kgoši, goba kgoši, goba mohlomphegi. O be a no ba motho. Gomme o be a nyetše kgaetšedi wa gagwe wa seripa, yo e bego e le Sarah, gomme go molaleng o mo nyetše ge a be a le kgarebjana. Gomme Modimo o be a mmiditše ka mengwaga ye masomešupa tlhano, go bophelo bja tirelo, gomme gape e akareditše mothuši wa gagwe.

<sup>39</sup> Gomme thwi mo re ka kgonago thoma. Ke dumela gore ge Modimo a biletša monna go tirelo, ge e le monna yo a nyetše gomme a na le molekani, O bitša mosadimogatša wa gagwe le yena, gobane bobedi ke batee. Gomme kafao, e ka ba kae, re hwetša moragwana gore Modimo ka kgonagalo a ka be a

bolaile Sarah ge a belaetše molaetša wa Morongwa, mengwaga ye masomepedi tlhano moragwana, ge ba be ba dutše ka tlase ga mouko letsatši lela, eupša ge a segile ge Morongwa a mmoditše, goba a boditše Abraham gore o be a eya go ba mme, gomme Sarah a sega ka teng ga gagwe gomme a re, "Nka kgona bjang nna, motšofe?" Bogolo bja mengwaga ye masomesenyane, gomme monnamogatša wa gagwe a le bogolo bja mengwaga ye lekgolo. Ya gagwe... popelo ya gagwe e be e omile lebaka la mengwaga, le mmele wa gagwe o be o no swana le mohu. Gona o be a ka kgona bjang go tsoge a bile le boipshino le monna wa gagwe gape? Gomme o segile go yenamong.

<sup>40</sup> Gomme Morongwa, ka mokokotlo wa Gagwe o furaletše tente, o rile, "Gobaneng Sarah a segile?"

<sup>41</sup> Gomme o e ganne. Bjale, seo ke go botša Modimo sefahlegong sa Gagwe gore O "phošo." Le a bona? Gomme seo se ka be se tšere bophelo bja gagwe, eupša Modimo ga se a kgone go tšea Sarah, gobane o be a le karolo ya Abraham. Le a bona? Gomme o be a le ka go kgwerano le yena, kafao o ile a swanelo go ya le yena. Kafao O be a ka se kgone go tšea Abraham... goba go tšea Sarah, ntle le go tšea karolo ya Abraham, gobane bobedi bjo ke batee.

<sup>42</sup> Sekai se sebotse sa rena lehono, go hloka maswanedi, go swanelo lehu ge re dira sebe, eupša Modimo a ka se kgone go re bolaya, gobane O tla... re karolo ya Kriste. Le a bona? Woo ke mogau wa rena, gobane re ka kopanong le Kriste. A woo ga se mogopolo wo mobotse, kopano le Kriste? Kafao kagona, dibe tša rena, ge re di dira, ka pela re swanetše go ipolela tšona, gore "di phošo," gobane Modimo o tla tšea bophelo bja rena. Eupša Madi a araba ka go lefelo la rena, gomme Modimo a ka se no tshela Madi ale. Le a bona? O no se kgone go e dira, gobane ke tshepišo gore A ka se e dire. Kafao A ka se kgone go roba tshepišo ya Gagwe Mong. Le a bona? Kafao Modimo o ikhweditše Yenamong, bjalo ka ge go bile, a roketšwe godimo. Le a bona, A ka se kgone go roba tshepišo ya Gagwe. Gomme O E tshepišitše ka Madi ale, mang le mang a dumetšego o bile le Bophelo bjo Bosafelego, gomme A ka se kgone go roba tshepišo yela.

<sup>43</sup> Kafao re hwetša gore Abraham, ka go obamela, o tlogetše legae la gagwe, o tlogetše naga ya gagwe, le go arogana go tloga go se sengwe le se sengwe, tšohle dithoto tša gagwe tša lefaseng, go sepelela ka go naga e šele, a diilela. Sekai sa Kereke. Re kgopelwa go tlogela se sengwe le se sengwe seo se lego ka lefaseng le, gore re latele Kriste.

<sup>44</sup> Bjale, re hwetša Abraham a latela, ngwaga ka morago ga ngwaga. Gomme o tšere karolo tsoko le yena, e bego e le tatagwe, gomme o hwile nako yeo. Gomme ka gona o tšere motlogolo wa gagwe, e bego e le Loto, gomme Loto o ikarogantše yenamong go tloga go ngangišano, gomme o ile tlase go phela ka Sodoma, efela o be a le karolo ya Abraham. Gomme Modimo o file naga le tšohle

tše di bego di le ka nageng, go Abraham, o be a le mojabohwa wa tšohle tša yona. Modimo o rile, “Lebelela bohlabela, bodikela, leboa, le borwa, gomme yohle ya yona ke ya gago le peu ya gago ka morago ga gago. Yohle ya gago!”

<sup>45</sup> Bjale, letšatši le lengwe Abraham o bile le mohuta wa makgwakgwa, gomme Loto a ne yona bonolo, a pshikologa sebeng. Go bonolo bjang le ka fao sebe se bonalago se kgahliša, le ka fao se bonalago se se na molato. Bjale, ge Loto a bolela se, “Ge feela ke dumela! Ke dumela go Modimo, kafao gobaneng ke sa kgone go ya tlase fa ka Sodoma, gomme—gomme go tla loka. Ke nna modumedi.” Eupša go be go se gwa loka.

<sup>46</sup> Le a bona, Modimo, ge A biditše Abraham, O mmiditše go ikaroganya yenamong go tloga go se sengwe le se sengwe. Gomme seo ke se re swanetšego go se dira. Modimo o re biletša go karogano moka go tloga go sebe, “Tšwelang ntle go tloga magareng ga sona, le se be batšeakarolo ba sona!” E šikologeng, yona ponagalo ya bobe. Karogano, go senywa moka go tloga go sona! Eyang kgole go tloga go sona. Le se ke la gata godimo ga mabala a sona, go sa kgathalege bjang—bjang se... se lebega botse.

<sup>47</sup> Lena batho, le ka no nagana fa bjale, še yona, “Ngwanešu Branham, ke—ke dinako tše dingwe ke lekega go utswa, goba dinako tše dingwe ke lekega go kgoga.” Goba dinako tše dingwe basadi ba a nagana, “Ke lekega go apara boka batho ba lefase, le a tseba, diaparo tša bohlaswa le dilo. Ke a lekega,” bahumagadi ba baswa. Bjale, le nagana seo ke go lekega, go reng ka godimo mo fao le nago le mosepelwo mongwe le wo mongwe wo monnyane go hlokomela, le a bona, ka bodireding. A selo se segolwane se lego godimo mo, le se ba swanetšego go se arabela kudu. Gobane, o swanetše go arabela disoulo tša gago mong, eupša re swanetše go arabela yo mongwe le yo mongwe re bolelago le yena. Le a bona? Kafao Sathane kgafetšakgafetša... Moo o tla rego, wena: “A yeo ga se roko ye nnyane ye botse? Yohle ke phošo go aparwa, eupša a ga se ye botse? E tla ntekana feela gabotse.” Moo go lego go nna... Bjale, seo, o a tseba seo ke phošo. Eupša ka go modiredi ke, “O swanetše go ya kopanong ye mo, ye e no ba yona. Ba re ke ye kgolo kudu, phuthe-...” Gomme go le bjalo o swanetše go leta le go kwa Modimo a re “sepela,” le a bona. “Oo, a o ka ya godimo fa le go bona motho yo fa? Yo ke bjalo le bjalo.” Gomme o swanetše go šetša, hlokomela. Le a bona? Oo, ke boradia kudu. Gomme bjale re swanetše go hlokomela dilo tše.

<sup>48</sup> Bjale, Abraham o ile a swanela go hlokomela, le yena. Eupša yena, go na le gore a ye tlase ka Sodoma le Loto, o ikarogantše yenamong le go ya godimo ka leganateng, o tšere tsela le banyatšiwa ba se bakae ba Morena. Woo e swanetše go ba mokgwatebelelo wa rena. Tše tsela le batho ba Modimo go sa

kgathale ge eba go bothata goba bonolo, eya go le bjalo. Lokela go ya nako ye nngwe le ye nngwe, bjale, kae kapa kae A ka go bitšago.

<sup>49</sup> Bjale, ka morago ga ge se se tlie godimo, gona fao—fao gwa tla kgoši ye e ilego godimo ga tsela ya ntwa le moloko wo monnyane wa batho godimo fale, gomme a swiela go theoga go kgabola moedi le go tsea dihlopha tše nnyane tšohle, mebušo ye mennyanne ntle, le go tsea, go tla ka Sodoma le go tsea kgoši ya Sodoma le Gomora, o tsero Loto (motlogolo wa Abraham), mosadimogatša wa gagwe, barwedi ba gagwe, bana ba gagwe, bohle ba bona, le dithoto tša bona tšohle, tšohle ba bilego le tšona, o ile thwi pele ntle go kgabola, a hlwekiša naga ge e be e eya. Oo, a selo sa go šiiša, mopuputso wa sebe ke lehu! Loto o ile a lemoga, ntle le go kamaka, a sepela mmogo kua gomme mohlomongwe ka—ka thapo goba ketane go dikologa molala wa gagwe, bjalo ka lekgoba; bana ba gagwe, basetsana ba baswa go ka katwa; le mosadimogatša wa gagwe, le se sengwe le se sengwe, gomme ka kgonagalo go hwa nako efe kapa efe ge a sa obamele taelo e tee, gomme mohlomongwe go ya ka go mmušo wo mongwe felotsoko go ba lekgoba matšatši a gagwe ka moka.

<sup>50</sup> Eupša Abraham, ge a hweditše gore Loto o be a tšerwe, yeo e be e le karolo ya lefa la Abraham. Gomme Abraham a ka no ba a boletše se, “Modimo, O mpoditše gore ge nka Go obamela le go sepelela ka mo, ka mo nageng ye, O tla mpha ye. Ke ya ka. Gomme karolo ya Loto ya ye, gomme ke ya ka morago ga gagwe.” Kafao o dikaneditše, goba o kgobokeditše mmogo bahlanka ba gagwe, gomme a bea letsogo godimo ga bona. Gomme o tsero bahlanka ba gagwe, le go tseela ntle go fihla a hlomarela le go hwetša kgoši ye ka mebušo yohle ye mengwe ye mennyanne ye. Lebelelang a sesole se segolo ba bego ba le sona nako yeo! Eupša ka tlase ga tlhahlo ya Modimo, Mogeneralia Mogolo, o ikarogantše yenamong, gomme o wetše godimo ga bona le go bolaya dikgoši, le go tliša morago Loto le mebušo yohle ye mennyanne, go e tliša morago go bona, go nagalegaae ya bona gape.

<sup>51</sup> A seswantšho sa Kriste ka go Abraham fale, go tleng ka morago ga ge lenaba le swere se sengwe le se sengwe, gomme Kriste a tla a re tliša morago gape.

<sup>52</sup> Bjale re hwetša ka go kanegelo ye kgolo ye yeo Abraham, mo tseleng go boweng, a etla morago ka morago ga ge phenyo e fedile, o kopane le Mong wa Magodimo le lefase, Melekitsedeke, e lego Kgoši ya Jerusalema, Kgoši ya Salema, e bego e le Jerusalema, e lego Kgoši ya Khutšo, e lego Kgoši ya Toko. O be a se na le tate, O be a se na le mme, Yena ga se a ke a thoma gomme A ka se tsoge a fela, kafao yoo e be e se selo gape eupša Ramaatlakamoka. Gomme O kopane le yena tseleng go ya gae, go tšwa polaong ya kgoši. O kopane le Mong, Yena Yo a bilego

le dilo tšohle o kopane le yena mo tseleng go boweng. A selo sa letago! Bjale Abraham... .

<sup>53</sup> Ke rata se. Abraham o be a le mojabohwa go tšohle, ka tshepišo, gore a kgone go bea tleleime go se sengwe le se sengwe seo se bego se le ka nageng, le naga ka boyona. Abraham o be a filwe tshepišo. Bjale, re a kwešiša gore Abraham e be e le monna wa modiididiidi ka nageng yohle, gobane o be a phela ntle ka leganateng, le go phela ka khutšo le Modimo. Gomme Loto, wa go huma, o be a dula ka toropokgolo gomme a ba mmuši wa toropokgolo; o ile a dula kgorong, o be a le moahlodi, gomme a ahlola toropokgolo, gomme a ba le mahumo ohle le dilo. Eupša Abraham o be a le ka leganateng, gomme mo... mohlomongwe monna wa modiididiidi ka nageng, gomme efela a tleleima go ba mong wa tšohle. Amene! Seo ke se ke se ratago.

<sup>54</sup> Oo, bošegong bjo, re ka no be re se ra huma ka go diphahlo tša lefase le, eupša re beng ba dilo tšohle. Kereke, Yonamong, e na le dilo tšohle. Efela ke modiidi, efela ke mohumi le go ba mong wa dilo tšohle. Ke rata seo. O... Re—re. Pina ya kgale re bego re tlwaetše go e opela mengwaga ya go feta, “Tate wa ka o humile ka dintlo le dinaga, O swere lehumo la lefase ka seatleng sa Gagwe! Dirubi le ditaamane, le silibere le gauta, matlolo a Gagwe a tletše, O ne mahumo a go se bolelw.” Gomme re beng ba yona, gobane re ngwana wa Kgoši. Amene. Ngwana ka mehla o ba mojabohwa, re a tseba. Go lokile.

<sup>55</sup> Abraham o be a ka kgona go e swara, go le bjalo a diila, dikromo tša gagwe di be di ehwa ka tlala; Loto o tšere mobu wo mokaonekaone. Meetse a gagwe a be a hlaela. Matšatši a go fiša, gomme badiši ba be ba le bothateng, gomme se sengwe le se sengwe se be se bonala o ka re se fošagetše go Abraham, efela o be a le mong wa selo ka moka.

<sup>56</sup> Gomme, lehono, modumedi wa therešo o lahletšwe ntle go tloga magareng ga batho, o bitšwa “lehlyana, mopshikologimokgethwa,” goba mohuta tsoko wa leina la go rogana, mohuta tsoko wa lehlyana la bodumedi, gomme efela ke mojabohwa go Magodimo ka moka le lefase. “Ba lehlogenolo ke ba boleta, ba tla ba bajabohwa ba lefase.” Oo, nna! Bolela ka go go kgoromeletše ntle ka ngwakong wa dikota goba felotsoko, gomme ga go tšelete ya go lekanelo go lefa rente ya gago, go le bjalo o mong wa yona yohle. Amene. O swanetše go šoma le go katana le go tšwa sethitho bakeng sa ditolara di se kae, go dira bophelo bja go botega, go bea dieta dinaong tša bana ba gago, le go fepa molomo wa bona wo monnyane wa go swarwa ke tlala, gomme go le bjalo o mong, mojabohwa go se sengwe le se sengwe se lego mo. “Ba boleta ba tla tšeal lefase bjalo ka kabelo.” Ke beng ba lona. Oo, nna, ke rata seo! Mong wa lefase! Ke eng? Modumedi. Modumedi o na le tokelo ya bong, tokelo ya mateng a lengwalo, yeo ke therešo, ka Jesu Kriste, gore “O tla

ba mong wa legohle le ka moka.” Yeo ke nnene. “Ba boleta ba tla abelwa lefase.”

<sup>57</sup> Abraham o bile—bile, o kgonne go ba mong wa naga yela, gobane... le se se bego se le go yona. Modimo o mo file yona. Gomme Loto o be a le karolo ya naga yeo. Kafao Abraham o bile le tokelo go yona. O kgonne—o kgonne go bitša goba go e swara. O rile, “Bjale, Modimo, O ntiretše tshepišo, gore se naga ye e bego ele sona le tšohle ka go yona e be e le sa ka, gomme O dirile tshepišo. Bjale wa leloko wa ka o tšerwe, gomme tšohle a nago le tšona di ile.”

<sup>58</sup> Ka mantšu a mangwe, ge nka e šomiša lehono, ke tla re, Kereke e ka re, “Morena Modimo, ngwanešu šo, o robetše mo, o rathilwe ke kankere, o rathilwe ke bolwetši bja mafahlia, o na le se *sebjalo le bjalo*. Ke swere tshepišo, ke lefa la ka. O—O mpoditše bjalo!” Amene! Ke lena bao. Gona, gona o ka kgona go ya ka morago ga lenaba lela, diabolo yola, le go le bolaya feela go swana le ge Abraham a bolaile dikgoši le go tliša lefa la gagwe morago. Amene. Ke rata seo. Ke go modumedi.

<sup>59</sup> Efela Abraham o be a ne tokelo go tshepišo, gomme tshepišo e be e le ya gagwe, efela o be a swanetše go lwa go ba mong wa yona. Amene. Ke lena bao. Modumedi lehono, efela re mojabohwa go dilo tšohle, efela re mojabohwa go tšegofatšo ye nngwe le ye nngwe ya semoya, tšegofatšo ye nngwe le ye nngwe ya tlhago, tšegofatšo ye nngwe le ye nngwe ye Beibele e e tshepišago, efela o swanetše go lwela intšhi ye nngwe le ye nngwe ya yona. Yeo ke tsela ye Modimo a nago le yona e beilwe godimo. Ka mehla go bile ka tsela yeo. O swanetše go lwa go ba mong wa se o tsebago ke sa gago mong. O swanetše go lwa go ba mong wa sona. Gomme seo ke se re swanetšego go se dira bjale.

<sup>60</sup> O re, “Ngwanešu Branham, ke hloka phodišo.”

<sup>61</sup> Tshepišo ke ya gago. Eupša, ge o ka tsoge wa e hwetša, ga o ye go e hwetša gabonolo, ke ya go go botša seo. O ya go swanelia go e tšea go tloga go Sathane. Sathane o swere go phelega ga gago, o na le tokelo ya go ya go—go Sathane, o re, “E fe morago! E neele godimo! Ke tla ka Leina la Morena, Mong wa Magodimo le lefase, gomme ke nna mojabohwa wa Gagwe. E fe morago! O tšere ngwana wa ka, o mo hlakahlakantšiše le mošemanie wa go fošagala. O tšere mošemanie wa ka gomme a hlakahlakana le mosetsana wa go fošagala. Ke a ba tteleima! Yeo ke nnene. Ke tteleima bana ba ka, ke tteleima ngwanešu wa ka, ke tteleima kgaetšedi wa ka. Ee, Sathane, o ba tšere go tšwa ntlong ya Modimo, o ba kgoka ntle kua, eupša ke tla ka morago ga bona. Ke a ba tteleima.”

“Gabotse, o tseba bjang?”

<sup>62</sup> “Ke nna mojabohwa wa dilo tšohle. Amene. E filwe go nna. Ke nna mojabohwa, nka tteleima se sengwe le se sengwe seo Modimo a ntshephišitšego.” Amene. Ke lena bao. “Ke ya ka.” O

e hwetša bjang, se sengwe o se dirilego? Aowa, mohlomphegi. Ke mpho ya go se šomelwe yeo Modimo a re filego, gomme ke ya rena, ke ya rena. Sathane a ka se kgone go e swara ge o eya go yena ka go—go Lentšu la matlaataolo a Lengwalo, ka tumelo, go re, “Ke ya ka! E bee fase.” Amene. Letago! Ke rata seo. “Sathane, o e bea fase. O e tšere go tloga go nna. O e fa morago, gobane ke e ela hloko ka go wena. Ke na le tsebišo e ngwadilwe thwi mo godimo ga Lentšu, ‘Magodimo le lefase di tla feta, eupša tsebišo ye e ka se ke.’ Kafao ke tla le tsebišo ye, go neelwa go wena, gore Jesu Kriste o rile e ka ba eng ke e kgopelago Tate ka Leina la Gagwe O tla mpha yona. Ge nka re go thaba ye, ‘šuthišwa,’ gomme ka se belaele pelong ya ka, eupša ke dumela gore se ke se boletšego se tla tla go phethega, nka kgona go ba le se ke se boletšego. Se bee fase!” Seo se mo dira gore a thome. O se ke wa mo dira gore a thome, go mo dira gore a kitime. “E bee fase, ka gobane ke tlide ka maatlataolo a Lengwalo. Ke nna modumedi.” Le a e hwetša? Ee, mohlomphegi. Ee, mohlomphegi.

<sup>63</sup> O ile a swanela go dira eng pele, Abraham, gore a dire se? O ile a swanela go Bea tumelo ya gagwe godimo ga motheo wa go tia wa Lentšu la Modimo le le tshepišitšwego. Lebelelang, selo se nnoši a bilego le sona e be e le seholpha se sennyane sa bahlanka, ka kgonagalo tasene. Gomme go be go le ka kgonagalo dikete tše mmalwa tša monna, ba itlhamile. Gomme monna wa gagwe e be e se masole, e be e le bahlanka, badišadikgomo, badišadinku, badiši; ka kgonagalo dithipa tša kgale tša go rusa tše ba bego ba di topile felotsoko, gomme ba di beile godimo ka go...ntle kua, gomme dipula tše mmalwa di be di wetše godimo ga tšona, di be di rusitše. Eupša Abraham o be a se a lebelela thipa ya go rusa, goba go hloka kotse le gatee. O be a beile tumelo ya gagwe godimo ga Lentšu la Modimo. Ke lena bao. Seo ke se se e dirago. Seo ke se.

“O ya go ba lwantšha bjang ge o fihla kua?”

<sup>64</sup> “Seo ga se go nna. Go go nna go Bea tumelo ya ka go se Modimo a se boletšego. Ke ya ka, ke ya ka morago ga se e lego sa ka.” Amene. Bjale, ge batho bao ba babjago ba ka kgona go bona seo, bolwetši bo thwi kgauswi le go fela thwi nako yeo. Le a bona? Kgonthe.

<sup>65</sup> Ge modiradibe a ka kgona go bona gore ga wa swanela go dira sebe! Bontši bja batho, ba dira sebe ka gobane ba swanetše go dira sebe. Seo ke sebopego sa go šokiša ge o re o “swanetše go dira sebe.” Eupša ge o lemoga ga wa swanela go dira sebe gape! Go na le batho bao ba no go emeleta le go rogaka le go sega mo sefahlegong sa gago, le—le go go bitša “seota” le se sengwe le se sengwe gape, ke badiradibe ka boomo. Le a bona, gona ga go kholofelo go bona. Eupša monna yola yo a dirago se sengwe kgafetšakgafetša, ga ba nyake go se dira. O—o a utswa, ga a nyake go dira. Gomme o a aketša, ga a nyake go dira. O—o dira dilo

tše a—a sa nyakego go di dira, ga a nyake go ba modiradibe. Go na le dikhlofelo go yena ge o ka kgona go mo dira a bone se e lego Therešo. Le a bona? Etsla godimo go tshepišo ya Modimo gomme o bee tumelo ya gago go yeo, gomme o sepelele ntle fale go lenaba. O no se kgone gabonolo go e swara botelele gape, ke phetho, gobane ke ya gago.

<sup>66</sup> Bjale, a re lebeleleng moisa yo bjale. Mo Abraham o rile, “Ke nna mojabohwa. Ye ke ya ka, se sengwe le se sengwe ka nageng ye ke sa ka. Gobane Modimo . . . Ga se ke be le yona le bjale.” Eupša o bile le yona, e be e le ya gagwe, go le bjalo.

<sup>67</sup> Bjale re bajabohwa ba dilo tšohle. A yeo ke nnete? Re bajabohwa ba dilo tšohle. Beibele e sa tšo fetša e boletše bjalo fa. Re mojabohwa wa dilo tšohle, se sengwe le se sengwe. Ga ra e swara bjale, eupša ke ya rena. Amene. Oo, letago! Ga ke ne intši ya naga, eupša yohle ke ya ka, go le bjalo. Nnete. Ke tša rena tšohle, ke tša batho, Kereke, badumedi, Monyalwa wa Kriste ke mong wa ntlhasana ye nngwe le ye nngwe ya yona. Russia e a e lwela, United States e lwela *yeo*, gomme ye e lwela *ye* le *ye* godimo kua, gomme ka gona ba re bitša “digafa.” E no dula tuu, wena o mong wa yona, go le bjalo. Amene. Bohle ba ya go ba mojabohwa wa yona, go le bjalo, kafao a nke ba kgakgane le go setlana seng. Ke ya rena. Ke rena bao ba e hwetšago. Ebile ba ka se tsoge ba e nagana, eupša re a dira, go le bjalo. Dirang, go le bjalo!

<sup>68</sup> Ke mang a ka bego a naganne monna yola yo monnyane wa kgale wa go šokiša godimo fale, bona ba bannyane ba kgale ba go ota, dikgomo tša marapo godimo nthioreng ya thaba, ke mong wa yona yohle? Palestina yohle e be e le ya gagwe. Ee, mohlomphegi. Kafao ge a etla go lefelo moo makgaolakgang a tlidego, Modimo o netefaditše go ba le yena. O tšere monna yola yo monnyane wa go tlala seatla gomme o ile ntle fale gomme o bolaile yo mongwe le yo mongwe wa bona, le go tliša morago lefa la gagwe. Amene. Ke rata seo. Gobaneng? O beile tumelo ya gagwe godimo ga tshepišo ya Leswika la Modimo. Seo ke se e se tšeago. Ga se a ke a aga motheo wo mongwe, a ya go tšoena mokgatlo goba go hwetša se sengwe sa go swana le se. O beile tumelo ya gagwe godimo ga Tshepišo yela! Amene. Yeo ke yona, godimo ga Tshepišo yela, gomme fao o matšreditše pele! Tšhoša ya go rusa goba e sego tšhoša ya go rusa, ga se e dire phapano go yena, o bile le tumelo ya gagwe e letše go Tshepišo.

<sup>69</sup> Gomme ge o etla pele go rapelelwa, ge o nyaka phološo, ge o nyaka phodišo Kgethwa, ga go kgathale ke eng, ge o le modumedi, o mojabohwa wa tshepišo ye nngwe le ye nngwe. Kafao bea tumelo ya gago godimo ga tshepišo gomme o matšhetše pele, gomme o botše Sathane, “E fe morago! E fe morago! Ke ya ka.” O se mo dumelele go go fora. Ema thwi fao mothalong, o tla e fa morago. Modimo o rile o tla dira, kafao

o swanetše go e dira. Ao ke maatlataolo a gago. Yeo ke nnete, mojabohwa wa dilo tšohle!

<sup>70</sup> O dutše godimo ga motheo wola, Lentšu le le tshepišitšwego, gomme o bile le mojabohwa. O be a le mojabohwa, kafao o e tsebile. Go lokile, mohlomphegi, ka morago ga ge tshepišo e hlatseditšwe go yena, o bile le kopanelo nako yeo le Motshepiši (ke rata seo) morago ga ge Modimo a dirile tshepišo. Gomme gona, le a bona, Abraham o be a sa nka a ba le moleko pele, kafao o...wa mohuta woo. Kafao o tsebile yohle e be e le ya gagwe, gomme yeo e be e le tshepišo, efela o be a se a swanela go lwa le sešole. O be a sa tsebe selo ka yona. O—o be a se monna yo a katišeditšwego go lwa. Abraham e be e se molwi, o be a le molemi. Gomme Abraham o be a ka se kgone go dira e ka ba eng, gobane o—o be a se lešole. Banna ba gagwe e be e se mašole, e be e le balemi. Kafao selo se nnoši a kgonnego go se dira e bile go no tšea tshepišo ya Modimo, a bea tumelo ya gagwe godimo ga tshepišo le go tšwela ntłe, go ya ka morago ga yona. Ka gona ge Abraham a bone seo, gomme a hweditše tshepišo yeo, le go hwetša gore Modimo o e hlatseditše go yena, gore O boloka tshepišo ya Gagwe... Amene! Šeo yona.

<sup>71</sup> Ge o se wa ke wa amogela Moya wo Mokgethwa le bjale, ga o tsebe selo ka Wona, le se sengwe ka pelong ya gago se go botša gore o a O nyaka, o dula thwi fao. Bjoo ke Bophelo bjo Bosafelego, bjoo ke bjo o lego mojabohwa go bjona. Dula thwi fao, gomme o lebelele Sathane thwi ka sefahlegong gomme o re, “Wena o mohlakodi, wena o yena! Ke tlile go ba mong wa se Jesu Kriste a nkhwetšego go ba le sona, bjale se neela morago! Etšwa tseleng ya ka!”

<sup>72</sup> Ka gona, selo sa pele o a tseba, Moya wo Mokgethwa o tla tšhologela godimo ga gago. Gona se sengwe se a direga. Se sengwe se tla direga. Ke eng? Modimo o hlatseditše O boloka Lentšu la Gagwe. Seo e no ba tlwa. Ka gona, le a bona, ka gona ka morago ga ge o bona Lentšu le hlatseditše go wena, gore o pholositswe, o na le Moya wo Mokgethwa, ka gona eng? Abraham o be a thopile phenyo, šo o a tla a matšhetša morago; o be a eya tlase, ka tumelo ya gagwe e robetše godimo ga Lentšu gore a kgone go e tliša morago, se a bego a se lobile, gomme šo o tla morago le yona, a matšha matšhe wa mofenyi. Seo ke selo sa go swana o ka kgonago go se dira. Ge o se ne Bophelo bjo Bosafelego, kgopela Modimo. Ipolele dibe tša gago, dumela go Morwa wa Modimo, amogela kolobetšo ya Moya wo Mokgethwa, gomme o re, “Modimo, ke a O tlala, ke mo go O amogela.” Ka gona o tla morago, matšhe wa mofenyi. O na le Wona. Amene. Go no phadima, nna, dinonyana di opela go fapano, gomme yo mongwe le yo mongwe... O ratana le yo mongwe le yo mongwe nako yeo. Lehloyo lela la kgale, kgalefo, tshele e sepetše. Rata yo mongwe le yo mongwe! Oo, o no ba le nako ye kgolo, o a opela, o a goelela, o tumiša Modimo. Ga o kgathale se e ka ba

mang a se bolelago ka wena. Go lokile. Kgonthe, mo matšheng wa mofenyi!

<sup>73</sup> Ka gona ke Mang a tlidego ntle go mo gahlanetša? Ke mang a tlidego ntle go mo gahlanetša? Melekitsedeke. Melekitsedeke o tlidego ntle go mo gahlanetša morago ga ge a bile le Lentšu la gagwe le hlatseditšwe. Melekitsedeke ke Yena a mo fago Lentšu. Morago o beile la gagwe Lent... tumelo ya gagwe go Lentšu, o hweditše phenyo gomme o boile morago, morago o bile le kopanelo. Amene. Bjale, o tla dira, le wena. Oo, Lentšu la Gagwe le tla ba se sengwe se seswa go wena, neng le neng ge gatee o hwetša kolobetšo ya Moya wo Mokgethwa. Oo, nna!

<sup>74</sup> Oo, o re, “Ga ke kgone go bona dilo tše. Ga ke dumele go goeletšeng. Ga ke dumele go go boleleng ka maleme. Ga ke dumele go phodišo Kgethwa.” Go no laetsa gore ga se wa ke wa hwetša phenyo. Yeo ke therešo. Eupša nako ye nngwe o hwetša phenyo, gona o nayo. Gona o na le yona. Ee, mohlomphegi, gona o ka goeleta. Ke...

<sup>75</sup> Le bone nako ye nngwe ke be ke tlwaetše go nagana ka go bina ka Moya, go bona yo mongwe a ema le go bina ka Moya. Bjale, ke bone dikwero di bewa godimo ga yona, eupša ke bone selo sa kgonthe, le nna. Kafao, ke tla go hwetša, gobaneng batho ba ka kgona go bina ka Moya? Gabotse, ga se nke ka bona o tee golebjalo a etšwa tseleng, ga se nke ka bona o tee efela a itshwara bohlaswa. Ka—ka mehla ke e bona feela ka thelelo le ka lenaneo le bobose, gomme ebile le badiradibe ba kitimela aletareng gomme ba phološwa ge e eya pele. Gabotse, ke maketshe gobaneng go bile, gomme ke tla go hwetša ke phenyo.

<sup>76</sup> Dafida o binne pele ga Morena, ge Areka e tlišitšwe morago go lefelo la Yona la go khutša. Amene. Ge Dafida a bone Lentšu, bjalo ka ge Le bile nako yela le dipapetiana tše matlapa, le tlišitšwe morago go lefelo la Lona la maleba, Dafida o ile a hlalala le go bina ka Moya, go dikologa le go dikologa le go dikologa. Gobaneng? O bone Lentšu morago ka lefelong la Lona. Amene.

<sup>77</sup> Se Lentšu le se hlokago, ga se ka ntle ga seminari ye e itšego, tlhakahlakano ya thutabomodimo; eupša wa fešene ya kgale, moreri morongwa ke Modimo ka morago ga phuluphithi, le Lentšu, go boneng Modimo a Le hlatsitša, netefatšo.

<sup>78</sup> Ka gona Dafida o rile, “Letago go Modimo, ye ke Yona!” Gomme go dikologa le go dikologa le go dikologa le go dikologa. Mosadi wa gagwe yo monnyane wa go kgomagana o dutše godimo kua, a le morwedi wa kgoši, o rile, “Gobaneng, o—o—o a nkgoboša.”

<sup>79</sup> Gomme Dafida o rile, “Ga o rate seo? Šetša se!” Gomme go dikologa le go dikologa o ile gape. Ee! Oo, nna, a nako a bilego le yona!

<sup>80</sup> Le a tseba, Modimo o lebeletše fase go tšwa Legodimong, a re, "Dafida, o monna ka morago ga pelo ya Ka Mong." Le a bona? Le a bona? Gobaneng? O be a lahlegetšwe ke boikgantšho bjohle, o be a šetše a lahlegetšwe ke ohle a gagwe. Efela o be a nyetše morwedi wa kgoši, eupša seo ebole se be se sa sengwe nako yeo. O tsebile gore o be a tlwaelane le Mong wa Magodimo le lefase, gomme fa go be go le Lentšu la Modimo le etla thwi morago magareng ga bona gape, gomme Dafida o be a thabile kudu o binne. O nno bina ka maatla ka fao a kgonnego.

<sup>81</sup> Miriamo, o ile a swara thamporini gomme a ya go theoga leši, a bina ka lehlakoreng le lengwe. Ka morago ga ge a tlide go kgabola Lewatle le Lehubedu gomme a bona manaba a gagwe a nwelela, ka gona a kgoni go bina ka Moya. Ge a bone manaba ao a bego a mo tlaiša, a hwile, gona o binne ka Moya. Yeo ke therešo. Bjale, le a bona, ka morago! Ka morago ga ge ntwa e thopilwe, nako yeo letago la Modimo le tla fase.

<sup>82</sup> Bjale, re hwetša gore O kopane le yena. Gomme morago ga ge tshepišo e hlatseditšwe, o—o bile le kopanelo. Melekitsedeke o tlide ntle go šegofatša Abraham, gomme O rile, "Mošegofatšwa e be Abraham, gomme a go šegofatšwe Modimo wa Abraham, Mong wa Magodimo le lefase."

<sup>83</sup> Oo, nna, ke rata seo bjang, tshepišo ya modumedi! O re, "Seo se amana bjang le ren?" Go modumedi yo mongwe le yo mongwe! Tshepišo ya modumedi ke Bophelo bjo Bosafelego. Tshepišo ya modumedi ke Bophelo, thabo, khutšo, pelofalo, boleta, kgotlelelo, dikenya tša Moya, phodišo Kgethwa, tasene ya dilo ke na le tšona di ngwadilwe fa, go nyakile, le ke lefa la gago. Ke la gago, eupša o ka se kgone go ba le lona go fihla o le lwela. Ke la gago. Se sengwe le se sengwe seo se bonwago, selo se sengwe le se sengwe sa lebakana seo se bonwago, ke sa ka. Modimo o mphile sona, ka gore ka Kriste O mphile sona. Gomme dilo tša go se bonwe ke tša ka. Amene. Ke rata seo! Se o ka kgonago go se bona, go swana le phodišo ye Kgethwa, go ya pele, ka mokgwa woo, seo ke se sebotse, re leboga seo; eupša sa go se bonwe!

<sup>84</sup> Bjale saense e ka tsekella tikologong fa le go re, "Gabotse, a re boneng, a nke ke tsee monna yo. O rile o fodišitšwe, a nke ke mo tšeele fase gomme ke mo hlahlobe. A nke ke bone se se diregilego. Gomme o re o bile le sešo gatee, mohlomphegi?"

"Ee, thwi fao."

<sup>85</sup> "Gabotse, a nke ke fe diphatišišo tša saense gomme ke bone ge eba se nno se nwelele gomme ga se sa tloga. Le re lena gatee le be le foufetše gomme bjale le a bona. Ke tseba bjang? A nke ke lebelele ka sesaense gomme ke e bone."

<sup>86</sup> Bjale, ba ka kgoni go kgonthiša go dikologa go seo, eupša go le bjalo ke—ke mojabohwa go seo, le nna, se sengwe le se sengwe sa mmele. Gomme ka gona le nna ke mojabohwa go dilo

tše di sa kgonego go bonwa, moo saense e ka se sa kgonego go kgonthiša. Amene. Amene. Dilo tša go se bonwe, amene, ke nna mojabohwa wa tše. Ee, mohlomphegi. Dilo tše di ka bonwago, ke mojabohwa go tše. Lefase le la nnete, ke nna mojabohwa, o mojabohwa. Modumedi yo mongwe le yo mongwe ke mojabohwa, ke mojabohwa go lona. Go lokile, gona tša go se bonwe! Mong wa eng? Magodimo le lefase. Amene. Dilo tšohle! A le dumela seo?

<sup>87</sup> O re, “Ngwanešu Branham, go reng ka ntle fale moo o sa kgonego go bona? O tseba bjang?” E sa le ya ka. Yeo ke nnete. Legodimo ke la ka. Ke thakgetše ke la ka, Modimo o boletše bjalo. Gomme yeo ke nnete. “Gabotse, ga se nke wa ke wa bona, o tseba bjang le gona?” Ke a tseba le gona, go le bjalo, Modimo o boletše bjalo. “O tseba bjang gore o mojabohwa wa lona, mola o sa nka wa le bona?” Ke dumela Lentšu la Gagwe. Amene. Le a bona? Ke nna mojabohwa, o mojabohwa le nna, bohle re bajabohwa mmogo ka Kriste Jesu.

<sup>88</sup> A le etše hloko mo ka go Bakorinthe mo, ka go Bakorinthe ba Bobedi, Paulo o rile, ebile le lehu, re beng ba lehu. Naganang ka yona. Go ba mong wa lehu? Ee, mohlomphegi, e a re šetša. Amene. Gabotse, letago! Ke šetše ke lebetše ka mothuthupo wola wa sethunya bjale, le a bona. Gobaneng a se a mpolaya? Gobane o be a sa kgone. Ke ka lebakla leo. Modimo o be a se a lokela. O be a ka kgona go tla bontši ka mo a nyakago, eupša a ka se kgone go go tše. Amene. Letago! Ke lefile sekoloto sa ka go seo nako ye telele ya go feta ge ke dumetše go Jesu Kriste Yo a phelago go ya go ile. Bjale lehu le theetša se re se bolelago. Amene.

O re, “Mong wa lehu?”

<sup>89</sup> Seo ke se Paulo a se boletšego fa ka go Bakorinthe. Lehu, ebile, re beng ba lona. Gobaneng, ge ba be ba lokišetša go ripa hlogo ya gagwe, o rile, “Oo, lehu, lebola la gago le kae? Lebola la gago le kae? Mpontšhe mo o ka kgonago go ntšhoša.”

<sup>90</sup> Lehu le rile, “Ke tla go pitlaganya le go go bea fase ka lebitleng, gomme o tla bola le go bola.”

<sup>91</sup> O rile, “Eupša, oo, a go lebogwe Modimo,” [Ga go selo go theipi—Mor.] “Yo a re fago phenyo ka Morena wa rena Jesu Kriste.” Ee, mohlomphegi. Lehu, hele, le lebitla, ke mong wa tšona tšohle, gobane O re fenyeditše tšona tšohle. Mong!

<sup>92</sup> Feela boka Joshua le Kalebe ba tlišitše bohlatse morago bja naga ya go se bonwe yeo e filwego batho ka tshepišo. Joshua le Kalebe ba tlišitše bohlatse morago gore go be go le naga ye bjalo. Bjale, tlase mo ba bile le tshepišo ya yona. Modimo o ba file tshepišo, gomme ba tlide thwi godimo go naga, eupša ga se nke ba ke ba e bona, gomme Joshua le Kalebe ba ile mošola ka go naga ya tshepišo le go tliša bohlatse morago gore naga e be e le gona gomme e be e le lefelo le lebotse, le ela maswi le todì. Amene! E be e le eng? Ba be ba eya go ba beng ba naga yela. Ba bile le tshepišo. Ba be ba le tseleng ya bona godimo fale, gomme ba be ba nyakile

go ba Jorodane, gomme Joshua o kgabaganyeditše mošola le go tliša bohlatse morago gore e be e le naga ye botse.

<sup>93</sup> Feela se Joshua a se diretšege bana ba Israele (*Joshua* e ra “Mophološi,” lentšu *Joshua*), gomme seo ke selo sa go swana Jesu a se diretšege Kereke ge ba Mmolaile. O fentše lehu. O fentše hele. O fentše lebitla. Gomme O tsogile gape ka bohlatse, kolobetšo ya Moya wo Mokgethwa, gore go ne Naga mošola wa noka, yeo ba e bitšago bose go ya go ile. Amene. O tla morago le go re tlišetša bohlatse. O dira eng, Ngwanešu Branham? O go dira o tlogele go aketša, go utswa, go nwa, go rogana, maitshwarohlephi, se sengwe le se sengwe. O dira sebopiwa se seswa go tšwa go wena. Nna yo gatee ke bego ke hwetše sebeng le dikarogong, go le bjalo ke a phela, e sego nna eupša Kriste o phela ka go nna. Ke nna sebopiwa se seswa ka go Kriste Jesu, amene, mojabohwa go tshepišo. Haleluya! Ee, mohlomphegi. Naga yela ke ya ren. O e tseba bjang? Joshua o tsogile go tšwa bahung, o tlišitše bohlatse morago, Moya wo Mokgethwa. Ke O hweditše. Amene. Fše! Letago! Ke mojabohwa. Oo, ngwana wa Kgoši, ngwana wa Kgoši, mojabohwa wa dilo tšhole! Beibele e boletše bjalo. Modimo wa go swana—Modimo wa go swana yoo a filego Israele tshepišo ya naga yela ya tshepišo (e be e le selo sa go se bonwe go bona), Beibele yela ya go swana, Modimo yola wa go swana o re file tshepišo ya Bophelo bjo Bosafelego, gomme Moya wo Mokgethwa o bea bohlatse bja yona. Kriste o a phela, e sego go hwa. O phela thwi magareng ga ren, o phela ka go ren, ka ren, o šoma go re dikologa. Amene.

<sup>94</sup> E be e le Yena a dutše godimo ga panka yela tlase kua letšatši le lengwe ge Sathane a bone sebaka go mpolaya, eupša ga se a kgona go e dira. Amene. Gomme a ka se tsoge a e dira go fihla Kriste a re go komana. Amene. Ga go kgathale gore o tla makga a makae, o tla ya morago a se ne selo ka seatleng go fihla Kriste a efa taelo. Amene. Tshepišo, Modimo o e tshepišitše. Ke Lentšu la Modimo leo le e tshepišago, gomme re a e dumela gobane re mojabohwa.

<sup>95</sup> Ke mojabohwa wa phodišo Kgethwa. Ke mojabohwa wa thabo, ke ne tokelo go thaba. “Kafao ke eng e le dirago le thabe bjalo?” Ke ne tokelo go ba. “O tseba bjang?” Gobane ke mojabohwa go yona. Amene! Fše! Bjale ke ikwela bodumedi. Ee. Ke mojabohwa go lethabo. Ke mojabohwa go thabo. Ke mojabohwa go khutšo. Ke mojabohwa go Bophelo bjo Bosafelego. Ke mojabohwa go Moya wo Mokgethwa. Amene. Ke mojabohwa go bohlatse bjo bongwe le bjo bongwe O nago nabjo. Amene. Ke nna mojabohwa go maatlataolo a Modimo. Amene. “Ke mang a go dirilego seo?” E sego nna; O dirile. Yo mongwe le yo mongwe wa lena ke mojabohwa go selo sa go swana.

<sup>96</sup> Mojabohwa go terone! “Yo a fenyago o tla dula le Nna godimo ga Terone ya Ka, bjalo ka ge Ke fentše le go dula godimo ga

Terone ya Tate wa Ka.” Amene, mojabohwa wa dilo tšohle! E sego feela selo se tee; dilo tšohle! Se sengwe le se sengwe se ka tlase ga dinao tša gago. Ebile le lehu le ka tlase ga dinao tša gago, lebitla le ka tlase ga dinao tša gago, hele e ka tlase ga dinao tša gago, sebe se ka tlase ga dinao tša gago, se sengwe le se sengwe se ka tlase ga dinao tša gago. O mojabohwa! O... O hwile, gomme bophelo bja gago bo utilwe ka go Modimo ka Jesu Kriste, gomme o tsogile gape go Bophelo bjo Bosafelego, gomme o dutše ka mafelong a Magodimong ka go Kriste Jesu. Oo, nna! Fše! Re bitše e ka ba eng o nyakago, re bitše se o nyakago, e re re a gafa ge o nyaka, eupša re bajabohwa. Bajabohwa go eng? Dilo tšohle.

<sup>97</sup> “A o mojabohwa go Tabarenekele ya Branham?” Aowa, ke nna mojabohwa go dilo tšohle. Bobedi di bonwago, di lego gona, tša ka moso, go se sengwe le se sengwe, ke nna mojabohwa go sona.

<sup>98</sup> Gomme sebe se sengwe le se sengwe le bobe di beilwe ka tlase ga dinao tša ka, ka mogau wa Jesu Kriste. O tsogile mosong wa Paseka, a fentše godimo ga lehu, hele le lebitla, le go ntira mojabohwa, le go re, “Letang mošola gomme Ke tla le fa tshepišo.” Gomme mohlanka wa Gagwe yo a tloditšwego wa maatlataalo o rile, “Tshepišo ke ya lena le go bana ba lena, go bona bao ba lego kgole, ebile ba bantši ka fao Morena Modimo wa rena a tla ba bitšago.” Ke nna mojabohwa. Amene. Amene. Jesu o e netefaditše go rena, go tsogo ya Gagwe. Oo, nna.

<sup>99</sup> Ge re tsene lebaleng lela la ntwa gare ga lehu le Bophelo! “Ke nna modiradibe, Ngwanešu Branham.” Ga wa swanela go ba. O modiradibe gobane o hlologela go ba. Ga wa swanela go ba. Sekoloto se šetše se lefetšwe.

<sup>100</sup> “Ngwanešu Branham, ke duma ge nkabe ke na le thabo.” O ka kgonia go ba le yona. O no ba o dumelela Sathane go go hlakola go menyetla yeo Kriste a e hwetšego. Ke mojabohwa go yona. Ke ya ka yohle. Se sengwe le se sengwe A se hwetšego, ke sa ka, ke sa gago. Re bana ba Gagwe, re bajabohwa ba sona, se sengwe le se sengwe seo A se hwetšego.

<sup>101</sup> Bjale, ge o tsena ka lebaleng lela la ntwa, “Oo, ga go selo se sebjalo bjalo ka kolobetšo ya Moya wo Mokgethwa. Le a tseba, o—o—o ya go dira ka mokgwa wo o sego wa tlwaelega. Gomme fao go ya go ba selo se sengwe, go ya go ba selo se sengwe sa go fapan.” Ga ke kgathale ke phapano efe e lego, ke mojabohwa go yona. Bjoo ke Bophelo, gomme ke tla ka morago ga Bjona. Yeo ke nnete.

<sup>102</sup> Seo ke se se swanetšego go ba maikaelelo a modiradibe yo mongwe le yo mongwe. “Ke tla go O amogela godimo ga motheo wa Moya wo Mokgethwa yo a lego mo bjale le go mpotša go tla le go O amogela. Ke wa ka. Nka se tsoge ka tsoga go fihla ke O amogela. Nka se be lehlanya. Ke ya go dula thwi fa, ga

ke kgathale se e ka ba eng se yago. Nka se tsoge ka tlogela go rapela go fihla O mpha Moya wo Mokgethwa, Morena, gomme ke a tseba O tla e dira gonabjale. Ge go na le e ka ba eng ya phošo ka bophelong bja ka, mpotše ka yona gomme ke tla e dira. Ke eng, Morena, ke tla ya go e lokiša.”

<sup>103</sup> Ge Modimo a sa utele e ka ba eng, a re, “Ka gona, Sathane, ke a O tlela. O ka se kgone go ema fao botelele, tšwa tseleng ya ka!”

<sup>104</sup> Ke lena bao, mojabohwa wa dilo tšohle. Mojabohwa wa Bophelo bjo Bosafelego. Mojabohwa wa phodišo Kgethwa.

Oo, mojabohwa wa phološo, morekwa ke Modimo,  
Motswalwa ke Moya wa Gagwe, mohlatswiwa ka Mading a Gagwe.

Ye ke kanegelo ya ka, ye ke pina ya ka,  
Go tumiša Mophološi wa ka letšatši lohle botelele.

Boineelo bja go phethagala, tšohle di khutšong,  
nna ka go Mophološi wa ka ke thabile le go šegofala;  
Go bogela le go leta, le go lebelela godimo,  
Ke tladišwe ka botho le lerato la Gagwe.

Haleluya! Ke lena bao. Ye ke kanegelo ya ka, gomme ye ke pina ya ka. Ke mojabohwa wa phološo. Phološo ke eng? Se sengwe seo se filwego wena. Ke mpho. Ke mojabohwa wa phološo. Mohuta mang? Bakeng sa Bophelo bjo Bosafelego. Phološo ya soulo ya ka, phološo ya mmele wa ka, phološo ya go lapa ga ka, phološo ya se sengwe le se sengwe. Modimo o ntirile ke be mojabohwa wa se sengwe le se sengwe ka Kriste, gomme O hwile, a tsoga, gomme a bowa morago le go tliša bohlatse, gomme a Bo tšollela ntle godimo ga rena. Oo, nna! Letago! Oo, nna!

<sup>105</sup> Bjale, o ya godimo kua, o dira eng? Ge o eya feela boka Abraham a dirile, o ya godimo kua le tshepišo yela. “Modimo, O mpoditše ke ya ka. Ke na le tumelo ka go tshepišo ya Gago. Ke tliša Lentšu la Gago. O tshepišitše se. O rile, ‘Kgopelang, gomme le tla amogela. Nyakang, le tla hwetša. Kgopelang, le tla fiwa. Kokotang, go tla bulwa.’ Ke nna yo, Morena. Ke mo. Ke a kokota, ke a nyaka, ke a kgopela. Ke swanetše go O amogela.” Ke lena bao. Se sengwe se a direga gona, oo, ge o bea Lentšu lela fase.

<sup>106</sup> Lebelelang se Sathane a se dirilego ge Jesu a beile Lentšu fase godimo ga gagwe. “Gomme gape Go ngwadilwe...” O tabogetše kgole go tloga go Lethale lela, bjalo ka ge ke boletše bošego bjo bongwe. Ee, mohlomphegi. Gona eng, morago ga ge o fentše? O fenza bjang? A o ka tsoge wa e dira ka bowenamong? Aowa. Yo mongwe o ile pele ga gago gomme a go fenyetša. Ke Kriste. Ke no ba mojabohwa wa yona. Ga ka swanela go dira e ka

ba eng. Ke mojabohwa wa tshepišo. Selo se nnoši ke swanetšego go ba le sona, ke go bea tumelo ya ka godimo ga tshepišo ya Gagwe. A le a e bona?

<sup>107</sup> “Ngwanešu Branham, a o na le maswanedi a seo?” Aowa. “A o nagana gore ke na le maswanedi?” Aowa. “A le nagana Pišopo o ne maswanedi?” Aowa. “A go kile gwa ba monna wa maswanedi?” Aowa. “Gabotse, gobaneng?” O mojabohwa.

<sup>108</sup> Ge o be o le letagwa le legologolo lefaseng, gomme tatago o go tlogeletše ditolara tše milione, ge eba o ne maswanedi goba aowa, mojabohwa wa gagwe—wa gagwe—wa gagwe, o mojabohwa wa bohwa bja tatago. E ka ba eng a go tlogeletšego, ke ya gago ge eba o ne maswanedi goba aowa. O go tlogeletše yona. Amene.

<sup>109</sup> Ke be ke le modiradibe, eupša ke mojabohwa. Ke be ke se ka loka, e sego bjale, eupša go le bjalo ke mojabohwa. Ke swanetše go hwa le go ya heleng, eupša ke mojabohwa. Ke mojabohwa wa eng? Bophelo bjo Bosafelego. “O tseba bjang o ya go Bo hwetša?” Ke Bo kwele. Moya wo Mokgethwa o Bo tlisitše. Jesu o tsogile go tšwa bahung gore O kgone go tla. Gomme bjale O tlide, gomme O bea bohlatsle le go hlatsela feela tlwa se Le rilego O tla se dira. Ke fetile go tloga lehung go ya Bophelong. Ke bile, sebopiwa se seswa ka go Kriste Jesu. Gona ke mojabohwa. Ee, mohlomphegi. Bjale ke matšeng wa ka. Amene. Dilo di bolailwe. Tšohle ke eng tšona dilo tša makoko ke di dirilego? Feel a boka Miriama a dirile. Lebelela morago kua, di gona fao, di hwile, di bolokilwe ka lewatleng la bolebadi, ka Pukung ya Puku ye kgolo ya Modimo Legodimong. Go šetše go bile. Leina la ka le beilwe godimo ga Puku yela, gomme le tswaleletše, gomme le beilwe fase ka lewatleng la bolebadi, le Puku ye mpsha, ka leina le leswa le ngwadilwe fase ka Letagong. Gomme ke ya ka. Ya. Bjale re mojabohwa wa dilo tšohle, gona.

<sup>110</sup> Gona boka ge Abraham, Modimo o mmoditše eng? “Naga ye ke ya gago. Se se lego ka go ye ke sa gago. Lebelela bohlabela, leboa, bodikela, le borwa, yohle ke ya gago, se sengwe le se sengwe mo. Ke nyaka o tle leetong ka nageng e šele, gomme Ke ya go go dira o be mojabohwa wa naga yeo. Ke tla go fa ye, go wena le peu ya gago, ka morago ga gago go ya go ile.” Bjale, Abraham, selo se nnoši a ilego a swanelo go se dira e bile go bea tumelo ya gagwe godimo ga tshepišo yela, go topa tšoša ya gagwe le go tloga. Ge nako ya tšhoganetšo e etla, o ile tlase kua gomme Modimo o lwele ntwa ya gagwe. Gomme ge a lwele ntwa, o bolaile dikgoši.

<sup>111</sup> Gomme šo o be a etla morago, amene, gohle godimo bjale. Ngwanešu, o kgonne go goelela. Kwang masogana ohle a goeletše le go tumiša Morena! Abraham šo o a tla, gomme ke Mang a tlidego ntle go mo gahlanetša? Melekitsedeke, Kgoši ya Salema. Gomme lebelelang se ba se dirilego. Ka morago ga ge ntwa e fedile, ba kgonne go dula fase le go tše borotho le beine. Kgoši

o tlišitše borotho le beine. Gobaneng A mo dirile? Ka morago ga ge ntwa e fedile, ka morago ga ge phenyo e thopilwe, nako yeo ba kgonne go dula fase le go tšea selalelo mmogo, ba boledišana seng sa bona le go ja selalelo mmogo. Oo, seo ke se Modimo a nyakago bana ba Gagwe ba se dira bošegong bjo.

<sup>112</sup> “Gona go reng ka wena, Ngwanešu Branham? Go reng ka Kereke yela o bolelago le yona?” Ke rena peu ya Abraham, ke bona Peu ya Bogoši ya Abraham. Re peu ya Abraham, ka tshepišo, ka Kriste Jesu re ba peu ya Abraham gomme re bajabohwa le yena go ya ka tshepišo. Gona ge Abraham a be a le mojabohwa, ke nna mojabohwa. Ke nna mojabohwa le Abraham, gomme le lena le bona. Gomme e tlile bjang? Ka Peu ya Bogoši ya Abraham, e bego e le Kriste Jesu, yo Motee yo a tshepišitšwego, ka tumelo. Abraham o amogetše morwa, bjalo ka yo a tšwago bahung. Gomme re amogetše Morwa yoo ebile a bego a se morwa, gomme go se tsela go fihla fa, gomme Modimo o Mo dirile le go Mo romela go rena. Gomme O tlide le go lefa kotlo ya dibe tša rena, gomme ka lehu la Gagwe ke ba mojabohwa. Oo, nna. Ke lena bao. Gomme bobo bjohle bja diabolo bo ka morago. Tumišo e be go Modimo!

<sup>113</sup> Go feny! Ke ba bakae ba fenyago, bošegong bjo? A re boneng seatla sa gago, “Ka mogau wa Modimo ke fentše.” Tumišo e be go Modimo. Le tseba se ke naganago re swanetše go se dira thwi bjale? Ke no thoma thwi fa le go le swarelela seripa sa bošego. A re nong go ba le tirelo ye botse ya go gafela, go gafela maphelo a rena ka boswa go Modimo. Ke ba bakae ba ikwelago go dira seo? Oo, ke ne bontši go feta o tee bjale, ke ne diatla bobedi godimo, le pelo ya ka, le nna. Ke nyaka bophelo bja ka go bolelela Kriste. Ke nyaka go ikgafela kabonna ka boswa go Kriste. Ke nyaka thato ya Gagwe go dirwa, ya ka go bewa ka morago, gomme—gomme thato ya Gagwe e dirwe. Ke nyaka go ba le matšhe wa mofenyi. E sego ka gobane ke nna; ka gobane ke a tseba gore Ebangedi ye A e rerilego ke tlaišego lehono ka lebaka la dithutotaelo tša kerekeleina tša madirwakemotho le se sengwe le se sengwe gape. Phenyo ye kgolo ye re swanetše go be re bile le yona e swerwe morago ke lenaba. Modimo, a nke ke goge Tšoša ye, a nke E benye le go phadima, le go matšhetša pele. A nke thato ya ka e be ka morago, gomme Lentšu la Gagwe le eya ka pele ka mokgwa woo, Tšoša ye bogale ya magalemabedi e dira tsela.

<sup>114</sup> A re emeng ka maoto a rena bjale le go ikgafela ka borena ka boswa. Yo mongwe le yo mongwe ka tsela ya gago mong, ikgafele ka bowena go Morena. A re phagamišetšeng diatla tša rena bjale go Modimo, yo mongwe le yo mongwe.

<sup>115</sup> Tate wa rena wa Magodimong, bošegong bjo re gafela renabeng go Wena ka bokaonekaone re tsebago bjang. Re a tseba gore re mojabohwa wa dilo tšohle. O e tshepišitše, Morena Jesu, gomme re a e dumela. Bjale, re ka se tsoge ra kgora go e dira

ntle le ge Wena, Morena . . . ntle le ge renabeng re bea tumelo ya rena godimo ga tshepišo ya Gago. Bjale, O rile, ka Beibeleng, “Yo a jago Nama ya Ka gomme a nwa Madi a Ka o ne Bophelo bjo bosafelego, gomme a ka se tle kahlolong, eupša o tla feta . . . o fetile lehung go ya Bophelong. Yoo a jago Nama ya Ka gomme a nwa Madi a Ka o ne Bophelo bjo Bosafelego, gomme Ke tla mo tsoša mo letšatšing la mafelelo.” Yeo ke tshepišo. Seo ke se O se boletšego. Seo ke se re se dumelago.

<sup>116</sup> Gomme, Morena Modimo, O Moya wo Mokgethwa, sepela godimo ga rena. Oo, sepela, Modimo! Sepela, O Morena, ka go rena. Moya wa Modimo yo a phelago, re amogelete, Morena. Ka Leina la Kriste re amogelete. Ntlhwekiše, nkgołoke mpopele, O Modimo, ka seswantšhong sa Morwa wa Modimo. Ntše, Morena, ke nna wa Gago. Ke Go fa kereke ye. Ke fa soulo ye nngwe le ye nngwe mo go Wena, le ya ka, Morena. Bjale re kgoloke le go re beakanya, gomme a nke re lebale tša rena tša sebe ditsela tše mpe, le go tseba ge feela re bea tumelo ya rena—ya rena, tumelo ye re nago le yona, go Lentšu la Gago le le tshepišitšwego, O tla re rwala go kgabola go tšwa go phenyo go ya go phenyo. O e tshepišitše.

<sup>117</sup> Sathane a ka se re kweše boholoko, Morena. A ka kgona go dira se sengwe le se sengwe a ka kgonago go se dira, gomme a ka se kgone go re kgwatha. Ge O mo tlemolotše godimo ga Jobo nako ye nngwe, O rile, “O se ke wa tše bophelo bja gagwe.” O dirile se sengwe le se sengwe eupša go bo tše. Eupša o be a ka se kgone go e dira, gobane tshepišo ya Gago e be e sa le fao go Jobo.

<sup>118</sup> Gomme, Modimo, O sa le Modimo wa go swana lehono. O šireletša ba Gago Mong. Re a tseba ke Therešo, gomme re ikgafela ka borena ka boswa. Hlatswa disoulo tša rena tša sebe, Morena, ge re ipolela tumelo ya rena. Gomme, Kriste Jesu, re amogelete. Gomme ge re thoma go tše Selalelo se sa Morena, Modimo, o boledišana ka dipelong tša rena go rena. Re botše bjale moo re lego phošo. Re bontše mo phošo ya rena e lego, Morena. Ka go kokobela re sokologa go yona. Ka go kokobela ke bea dibe tša ka tšohle godimo ga aletara, Morena. Ka go kokobela ke ipea nnamong go Lentšu la Gago, Morena, le go kgaogelo ya Gago.

<sup>119</sup> Ke nna yo, Morena, dira ka nna bjalo ka ge O bona go swanetše. Seo ke sello sa kereke ye, Morena, “Dira ka rena bjalo ka ge O bona go swanetše.” Nka kgona feela go bolela bakeng sa ka—bakeng sa ka mong, Morena, eupša ke dumela ka dipelong tša bona ba dumela selo sa go swana. Dira ka rena bjalo ka ge O bona go swanetše. Re a dumela. Re nyaka go ba bajabohwa, gomme re a tseba re bajabohwa ge feela re dula ka go Kriste Jesu. Re bajabohwa le Yena pele ga Terone.

<sup>120</sup> Bjale eba le rena. Fodiša malwetši magareng ga rena, Morena. Ge go na le mmele wa go babja mo bošegong bjo, o kgwathe, o fodiše, o dire o welwe ke maruru. E fe, Morena. Ge

go na le soulo ya go babja, a nke e fole thwi bjale. A nke soulo yela ya go golofala e otlollwe ntle. A nke matolo a le a go fokola ao a lekeletšego fase le tšona diatla tša go fokola di phagamele godimo ka letagong gomme di goeletše go Modimo. A nke ditsela tša go kgopama di dirwe go otlologa. A nke go be le tselalephefo ka lešokeng bakeng sa Modimo wa rena.

<sup>121</sup> Morena, re a dumela O tla ka pela, gomme a nke re thuthupišetše pele Lentšu la Gago, Morena, le go dira tselalephefo ka lešokeng, mafelo a go kgopama go otlologa, bakeng sa Morena wa rena. A nke re thuthupišetše ntle modu wo mongwe le wo mongwe wa kerekeleina. A nke re thuthupišetše ntle modu wo mongwe le wo mongwe wa kgalako, re thuthupišetše ntle bohlwele bjhohle, kganyogo le dikgogakgogano, gore Lentšu la Modimo la therešo le ka ela bjalo ka dinoka tša thabo. E fe, Tate. Re neela borena go Wena bjale feela pele re tsea Selalelo se sa Morena. Leineng la Jesu Kriste. Amene.

<sup>122</sup> Ge...Kgaetšedi Spencer o nyaka thapelo bakeng sa mmele wa gagwe. [Kgaetšedi Spencer o bolela le Ngwanešu Branham—Mor.] Modimo a go šegofatše, Kgaetšedi Spencer.

Tate wa Legodimong, mosadi mokgethwa yo wa go šokiša wa kgale, le yena yo a dutšego. O bona mosadi a golofetše. “A morwedi yo wa Abraham ga se a swanela go phološwa ka letšatši la Sabatha?” Gomme bjale mohlomongwe bontši kudukudu bja bagwera ba gagwe, Morena, bagwera ba nako ya kgale bao a bego a fela a ba tloša bodutu, badiredi bale, ge ba dutše ka ntlong ya gagwe, ba šetše ba fetile, bontši bja bona, ba tšere tselalephefo ye kgolo go ya Legodimong. O tlogetšwe a nnoši, Morena, bjalo ka bopaki. Ga go yo motee bjale, feela bana ba gagwe, gomme mohlomongwe mogwera ka mo le mola, Morena, leloko bjale le nako yeo. Eupša o ema a nnoši bjalo ka sethokgwa se segolo seo se budulešwego fase, gomme mohlare wo motee o šetše. Modimo, ke a rapela gore O tla lebelela fase go kgaogelo, Morena, gore o tšere medu go theogela botebong. Gomme o eme godimo ga thaba ya Khalibari, Morena, o tsemile medu le go šitlelega ka go Tumelo ya Kriste. Ke bea diatla tša ka godimo ga mokgekolo yo wa morategi le go ahlola lehuto le ka tlase ga leleme la gagwe, gore le mo tlogele gomme a dirwe go welwa ke maruru. Leineng la Jesu Kriste. Amene. Modimo a go šegofatše. Ke a go leboga, Kgaetšedi Spencer. E tla dirwa. Feel a o se e belaele nthathana. Go lokile.

Tumelo ya ka e lebelela godimo go Wena,  
Wena Kwana ya Khalibari,  
Mophološi Mokgethwa;  
Bjale nkwe ge ke rapela,  
Tloša dibe tšohle tša ka,

Goba o se tsoge wa ntumelela go hlahlatha  
Go tloga go Wena go ya thoko.

Theetšang, opelang le nna bjale.

Ge ke gata tsela leswiswi ya bophelo,  
Gomme manyami go ntikologa a alega,  
Wena eba Mohlahli wa ka;  
Laela leswiswi go fetoga letšatši,  
Phumula megokgo ya boholoko go tloga,  
O ntumelele go tloga letšatši le  
Go ba wa Gago ka moka!

<sup>123</sup> Go tloga botlase bja pelo ya gago bjale, ke feels Modimo a e tsebago, go tloga botlase bja pelo ya gago, ka kgontho o ra seo, “Ntumelele go tloga letšatši le, Morena, go ba wa Gago ka moka”? A re opeleng karolo yela ya mafelelo gape.

Goba o se tsoge wa ntumelela go hlahlatha  
Go tloga go Wena go ya thoko.

<sup>124</sup> Bjale bohole mmogo. Modiso yo Mogolo wa mohlape, O re rutile gore re swanetše go rapela ka mokgwa wo:

Tate wa rena Yo a lego Legodimong, Leina la  
Gago a le kgethege.  
Mmušo wa Gago a o tle. Thato ya Gago e dirwe  
lefaseng, bjalo ka ge e le Legodimong.  
Re fe letšatši le borotho bja rena bja tšatši ka  
tšatši.  
Gomme o re lebalele dikarogo tša rena, bjalo  
ka ge re lebalela bao ba nago dikarogo  
kgahlanong le rena.  
Gomme o se re iše melekong, eupša o re phološe  
go tšwa bobeng; gobane Mmušo ke wa Gago,  
le maatla, le letago, go ya go ile. Amene.

<sup>125</sup> Le ka dula. Ke kgopelwa thapelo bakeng sa ngwana wa Kgaetšedi Shepherd. E no tla mogopolong wa ka gore ba leditše nakwana ya go feta bakeng sa thapelo bakeng sa ngwana, gomme ke neetše thapelo bakeng sa lona. Ke bile le poledišanonyakišišo go kopana thwi fa, gomme ga se ke kgone go feta ntlong. Eupša ba rile mosetsana yo monnyane o be a babja le go ba le letadi, le mohuta wa go thatafala, ye e sego pelaelo feels baerase ye e yago tikologong. Le tseba ka yona. Dinako tše dingwe digoba tša bona di gogegela ka gare ka tsela ye e lego gore o swanetše go di šomela morago le pele ka diatla tša bona, boka Mdi. Haley le bontši tlase fa. Ke baerase ye e yago go dikologa. Gomme o... neetšwe thapelo. Gomme ke rile ge lesea le be le se bokaonana e ka ba bofe ka iri ya senyane goba nako ye re tswalelago tirelo, go bitša godimo fa gomme re tla tla kgaušwi; ge lesea le le kaonana, gabotse. Ka fao a re nong go kokobela bjale, pele re tšeal selalelo, re rapelela ngwana yoo.

<sup>126</sup> Morena Jesu, lesea le lennyane lela, ga ke tsebe le bogolo bjang goba selo, eupša ke yo mongwe wa barutiwa ba rena ba go ratega fa, Morena, yo mongwe wa badumedi ba rena. Ke ngwana wa bona, wa Kgaetšedi Shepherd le Ngwanešu Shepherd, lebjebolahlokwa le lennyane leo O ba filego lona, Morena. Re a rapela gore O tla šetša godimo ga lona, le go le šegofatša le go le šireletša, le go le fodiša le go le dira le welwe ke maruru. Re le tteleimile thwi bjale. Ka morago ga molaetša wo, re tteleima seo. Re e tteleima bakeng sa letago la Modimo, go ya ka Lentšu la Gagwe. Leineng la Jesu Kriste, a nke bolwetši bo tlemolle ngwana yola. Gomme a nke ngwana a fole le go fola, bakeng sa letago la Modimo. Bjale go boletšwe, bjale e tla dirwa. Amene. A le a dumela?

Ge re tshepa gomme re sa tsoge ra belaela, ka  
nnete O tla le tliša ntle;

Iša morwalo wa gago go Morena gomme e  
tlogele fao.

E tlogele fao, oo, e tlogele fao,

Iša morwalo wa gago go Morena gomme o  
tlogele fao;

Ge o tshepa gomme wa se tsoge wa belaela, ka  
nnete O tla go tliša ntle;

Iša morwalo wa gago go Morena gomme o  
tlogele fao. (Seo ke sohle o se dirago.)

Ge mmele wa gago o ripitlilwe ke bohloko le go  
phelega ga gago ga o kgone go go hwetšagape,  
E no elelwa Modimo Legodimong o araba  
thapelo;

Bjale, Jesu o tseba bohloko bjo o bo kwago, O  
kgona go phološa gomme O kgona go fodiša;

Iša morwalo wa gago go Morena gomme o o  
tlogele.

<sup>127</sup> Bjale a re nong go šišinyana diatla seng ge re opela temana  
ye ya mafelelo.

O tlogele fao, (Kopanelo, le a tseba, selalelo.) o  
tlogele fao, (Tumišang Morena!)

Iša morwalo wa gago go Morena gomme o o  
tlogele fale.

Ge re ka tshepa gomme ra se tsoge ra belaela,  
ka kgonthe O tla le tliša ntle;

Iša morwalo wa gago go Morena gomme o o  
tlogele fao.

<sup>128</sup> Oo, a ga A makatše? Bjale, bjale ka boipolelo bja rena, tumelo  
ya rena, boipolelo bja dibe tša rena, go dumela gore dibe tša rena  
tšohle di ka lewatleng la bolebadji. Yo a tla ipolelago dibe tša  
gagwe, Modimo o lokile go di tloša. Le a bona? Di ka go le—  
le lewatle la Madi a Jesu Kriste, go se tsoge tša gopolwa gape.

Ke ba bakae ba lena basadi le tsebago se setlošadipatso se lego? Lena bohle. Bjale, a re nong go tsea mokgobo wo mogolo wa go hlatswetša o tletše Clorox, yeo ke plitšhi e tee, sekotlelo se segolo gagolo, se tletše Clorox. Gomme ka gona o ya go tsea serothetšaleihlo se sennyane, gomme o na le lerothi le tee la enke ye ntsho ka go serothetšaleihlo sela, tseo ke dibe tsa gago. Ema thwi godimo go okamela sekotlelo, gomme se pitlele fase, morago lebelela tlase ka sekotlelong gomme o e hwetše. Go diregile eng ka yona? Go diregile eng ka enke? Ge e rathile plitšhi yela, e be e le maatla kudu e nno tsea mmala thwi go tswa go yona, e ka se tsoge ya kgona go ba gape. Ke eng? E ile, e lahlegile ka gosafelego. Ke eng? E—e enke yonamong e ba Clorox. Ao ke Madi a Jesu Kriste go sebe se sengwe le se sengwe se ipoletšwego. Ke eng? Se lebetšwe, se dirilwe, se fedile, se tlositšwe, se hladilwe, se beilwe kgole. Se ka se tsoge sa gopolwa kgahlanong le wena gape.

<sup>129</sup> [Kgaetšedi o bolela le Ngwanešu Branham—Mor.] Yo mongwe o bitša leina la ka, felotsoko. [Kgaetšedi o paka ka go no fodišwa.] Gabotse, tumišang Morena! Re sa phela! Leboga Morena. Re leboga Morena. O Modimo, re Go tumiša bjang bakeng sa botho bja Gago. Ee, soulo ya go kokobela ye nnyane morago kua e kgwathilego, Morena o mo kgwathile. Go lokile. Yena ke Moprista yo Mogolo yoo a kgonago go kgwathwa ke maikutlo a mabofokodi a rena.

<sup>130</sup> Elelwang, Lentšu le lengwe le le lengwe ke Sekgwaparetsi, go tia le kgonthe. Ga go na... Le a bona? E no bea tumelo ya gago thwi godimo ga Lona gomme o se ke wa šutha, e no dula fao. Bjale, o ka se kgone go e bea fase kua gomme ka gona wa e topa gomme wa re, “Ke tla e leka gape.” E bee fao. Dula thwi fao le yona. Ee, mohlomphegi. Boka Abele a dirile, ehwa ntle go menagano ya gago mong. E no re, “Modimo, ke Lentšu la Gago, ga se se ke se naganago. Ke Lentšu la Gago. Sele lona.” Gomme Abele o hwetše go Leswika. Gomme, gore, O tla kgwatha feela boka A dirile kgaetšedi fale. Feel a bonolo bjalo.

<sup>131</sup> Re leka go e dira... Ga re. Sathane o leka go e dira mararankodi kudu, le a tseba, a re, “Oo, le a tseba, leo e be e le la letšatši le le fetilego,” le ka moka tseo. Bao e no ba basedumele.

<sup>132</sup> Eupša go lena ba le dumelago, O bohlokwa. Bjale e a netefaletšwa, ka nneta; eupša Yena ke Letlapa le bohlokwa le tla go Letlapa le le phelago, Letlapa le bohlokwa, Letlapasekhutlo legolo. Oo, nna. Oo, yo a kgwathago Letlapa le o fodile! Yeo ke phetho. Amene.

<sup>133</sup> Bjale, a ga re leboge Morena? Go no thaba, ke thabile kudu gore Morena ke Modimo. Amene. Ke thabile kudu gore Ke Tate yo boleta, wa go tlala ka kgaujelo, o hlompha Lentšu la Gagwe, a boloka Kgwerano ya Gagwe, ga se a ke a E lebala. O boloka Kgwerano ya Gagwe. O swanetše, Yena ke Modimo, O E dirile. Yena ke Mothopo wa Therešo yohle. Le a bona? Go ka se kgone

go ba eng gape eupša Therešo ye e sa otswafatšwago nako ka moka. Lentšu le lengwe le le lengwe A le bolelago ga le palelwe. Gomme le ke Lentšu la Gagwe. Gomme, O Modimo, a nke tumelo ya ka e se palelwe ka go Yona, amene, gona e ka se palelwe bjalo ka ge Lentšu le sa palelwe, gona Lentšu ka go mohuta woo wa tumelo le tla tšweletša e ka ba eng Lentšu le rego Le tla dira. Amene. Kafao, ntlhwekiše, Morena. Nteke, ntlhwekiše, mphodiše, ntšhiretše, ntšhegofatše, gomme mphe dikgaogelo tša Gago, ke thapelo ya ka go Modimo. Amene.

<sup>134</sup> Bjale, ke ya go bala le lengwe la Lentšu bjale, le hwetšwago ka go Bakorinthe ba Pele, tema ya 11, temana ya 23.

*Gobane ke amogetše go Morena seo gape ke le filego sona, Gore Morena Jesu bjona bošegong bja go swana . . . bjoo a ekilwego o tšere borotho:*

*Gomme ge A file ditebogo, o bo ngwathile, gomme a re, Tšeang, gomme le je: wo ke mmele wa ka, wo o robjago bakeng sa lena: dirang se e be go nkgopola.*

*Ka morago ga mokgwa wa go swana o tšere . . . gape o tšere senwelo, gomme ge a laetše, a re, Se ke se senwelo sa kgwerano ye mpsha ka mading a ka: se se be ka go lena, ka mehla ge le se nwa, e be go nkgopola.*

*Ka gore ka mehla ge le eja borotho, le go nwa senwelo se, le laetše pele lehu la Morena go fihla a etla.*

*Le gona mang kapa mang a ka jago borotho bjo, le go nwa senwelo se sa Morena, a sa swanela, o tla ba le molato wa madi, mmele le ma madi a Morena.*

*Eupša a motho a itekole yenamong bjalo, gomme kafao a nke a je bo borotho, le go nwa go se senwelo.*

*Ka gore yo a jago le go nwa a sa swanela, o ja le go nwela go lahlwa yenamong, ka ge a sa hlaologanye mmele wa Morena.*

*Ka lebaka le ba bantši ba a babja le go fokola magareng ga lena, . . . bantši ba a robala.*

*Ka gore ge re ka ikahlolola renabeng, re ka se ahlolwe.*

*Eupša ge re ahlolwa, re solwa ke Morena, gore re se tlo ahlolwa le lefase.*

*Kagona, baena ba ka, ge le etla mmogo go ja, letelanang lena seng sa lena, uh, letelanang seng sa lena.*

<sup>135</sup> Bjale a nke ke bolele se. Jesu o re file taelo ye pele A eya lehung la Gagwe, a tseba gore O be a eya kua. Barutiwa ba sa makala se A bego a bolela ka sona, ge ba ngwadile se fase. Eupša O rile, “Senwelo se ke Kgwerano ye Mpsha ya Madi a Ka. Se se direng ka mehla ge le se ja le go se nwa, le laetše pele lehu la Ka go fihla Ke etla.” Oo, Mantšu a bohlokwa ao!

<sup>136</sup> Barutiwa ntle le pelaelo ba maketše, “O ra go reng, ‘bontšha pele lehu la Gagwe’? Re ka kgona bjang go dira se?” Mo go be go le sephiri sohle go bona, eupša e sego go Yena. O be a le Modimo. O tsebile se A swanetšego go se dira. “Laetšang pele . . .” Kafao A re, “Ge le etla mmogo go ja . . .”

<sup>137</sup> Bjale, “Yo a jago le go nwa, a sa swanelo,” o tla godimo mo gomme o ipolela go ba Mokriste, a tsea mmele wa Morena, gomme morago a ya ntle le go phela le lefase gomme—gomme a gana Kriste le maatla a Gagwe, le dilo boka tseo, o—o dira lenyatšo le legolo go Modimo. O—o dira lenyatšo le legolo go Kriste, kafao o se se tsee. Eupša ge o leka ka tshole tseo di lego ka go wena, go phela gabotse le go bontšha pele gore o Mokriste, gore o rata Jesu Kriste, gona ke mošomo wa gago go e dira.

<sup>138</sup> Gomme bjale godimo ka go . . . ke a dumela ke Mokgethwa Johane, tema ya 6, Jesu o rile, “Mang le mang a jago Nama ya Ka gomme a nwa Madi a Ka o ne Bophelo bjo bosafelego, gomme Ke tla mo tsoša mo letšatšing la mafelelo.” Bjale, tshepišo yela, a ga se selo sa letago? “Ke tla mo tsošetša godimo.”

<sup>139</sup> A le kile la nagana se le lego mo bakeng sa sona? Le—le ya sekolong bakeng sa eng, bana? O šomela eng, papa? Ke eng e go dirago o emelele, le mme, mo mosong, le go iša digotlane sekolong, go hlapiša sefahlego sa bona, le go alola malao le go apea, le—le—le go e dira yohle? Le tla ka gare, le lapile bošego bjoo, gomme letšatši le le latelago le thoma selo se se swanago. Le e direla eng? Gobaneng o katana le go kgoba, papa, le se sengwe le se sengwe? O tla ka gare bošego, gomme o lapile, gomme yo mongwe wa digotlane o a babja gomme o sepela lebatong, gomme o a lla le go rapela le go katana, gomme ba welwa ke maruru; gomme ka gona morago, gomme le e dira gape. Gomme Lamorena le lengwe le le lengwe le hlapiša difahlego tša bona, le go ba tliša tlase kerekeng. Gomme, gabotse, yohle ke ka eng? Le fa bakeng sa eng? A ke sohle se lego go yona? Nna, seo se tla ba madimabe, le go tseba o swanetše go sepela go le bjalo. Le a bona? Sohle se mabapi le eng?

<sup>140</sup> Oo! Ngwanešu, ke nako ya tlhahlofo, ke nako ya sebakabotse! Ke sebakabotse go amogela Le. Mpotšeng se sengwe go tsea lefelo la Lona. Mpotšeng se sengwe se sekaonana go feta Leo. Go tšweletša e ka ba eng ka lefaseng, go ba kgoši ya lefase, go buša legohle, go ba Khrushchev goba Kennedy, goba e ka ba eng o dumago go ba, o tla hwa feela go swana. Nnete! Ga o tsebe ke nako efe go tla tlago, motsotsso e ka ba ofe. Eupša mo, ge lehu le ratha, o na le Bophelo bjo Bosafelego gomme o ka se kgone go hwa, ka kgonthišetšo ke Modimo wa tlholo yohle, Yo e lego Mong wa Magodimo le lefase, “Ke tla mo tsoša gape ka letšatši la mafelelo.”

<sup>141</sup> Thuša Wena go se dumele ga ka, O Modimo. Tlatša soulo ya ka, O Modimo, ntlhwekiše, ntlatše, ntšhatše, nthomele ntle. A

nke ke se hwe, a nke ke phele go bolela Kanegelo. A nke ke ye go lenga le lengwe le le lengwe le khona ya lefase, gomme ke rere Lentšu le go bjala peu, ee, mohlomphegi, gore go be le puno ka go letšatši la mafelelo, ya Lentšu la therešo la go se otšwafatšwe, le badumedi ka go Kriste.

<sup>142</sup> A dibe tša gago di ka tlase ga Madi, ka tumelo bošegong bjo ka go Kriste Jesu? Bjale re tla tšeal selalelo. E sego selalelo; le a boledišana ge le eja seng sa lena. Go no boledišana le Modimo. Selalelo ga se borotho, ga se beine, *selalelo* ke “go bolela morago le pele le Modimo.” Gomme se ke sekā seo re se tšeago, gore re dumela go lehu la Gagwe, mmele wa go robega, poloko le tsogo ya Gagwe, re dumela ka Bogoneng bja Moya wo Mokgethwa. Gomme re a dumela gore O re file Bophelo bjo Bosafelego gomme re ka se kgone go hwa, re fetile go tloga lehung go ya Bophelong. Gomme letšatši le lengwe ge re arogana yo motee go yo mongwe mo, re tla tsoga gape ka tsogong le yo mongwe go yo mongwe, re tlemagane mmogo le Kriste Jesu, bjalo ka Mmele. Amene. Godimo ga motheo wo, le boipolelo bja dibe tša ka, le tumelo ya ka go Morwa wa Modimo, ke itšeela ka bona le kereke pele ga diathekelle tše tše Modimo a re tlogeletšego tšona go di dira, go laetša pele lehu la Gagwe go fihla A etla.

<sup>143</sup> Jesu o rile, “Wo ke mmele wa Ka wo o ngwathwago bakeng sa lena. Ejang, dirang se go Nkgopola.”

<sup>144</sup> Tate wa rena wa Magodimong, ka morago ga ge re ipoletše dibe tša rena, go kweng Lentšu la Gago, ka morago ga ge re ipoletše gore ga re na maswanedi, gomme re tshepela feela go dipataka tša Morwa wa Modimo. Re dibopiwa tša go hloka maswanedi. Re lebalele, Morena, go tšohle tše re di dirilego. Gomme bjale, ka tumelo, re tla tafoleng ya Morena. Gomme bjale ge borotho bjo bo neelwa go emela mmele wa Morena wa rena, ke a rapela, Tate, gore O tla bo hlwekiša go morero wo bo o nepetšwego. Gomme a nke motho yo mongwe le yo mongwe yoo a tšeago karolo go bjo a be le Bophelo bjo Bosafelego ka soulong ya bona. Gomme a nke motho yo mongwe le yo mongwe a bo tšeago a be le phodišo ka mmeleng wa bona, gomme a phele nako ye e beilwego yeo O ba filego. Gomme a nke ba Go direle matšatši ohle a bophelo bja bona, le go tsošwa mo letšatšing la mafelelo ka tsogong, go kgobelwa mmogo le meloko ya lefase ye e lopolotšwego ka Madi a Kriste. E fe, Morena, Leineng la Jesu re a e kgopela. Amene.

<sup>145</sup> Beibele e rile, “Gape O tšere senwelo, gomme ge A laletše, a re, ‘Se ke senwelo sa Kgwerano ye Mpsha, ka mehla ge le enwa se le laetša pele lehu la Morena go fihla A etla.’”

<sup>146</sup> Tate wa Magodimong, re swere go Wena kenywa ya morara bošegong bjo, beine ye. Gomme re a rapela, Tate wa Magodimong, gore O tla hlwekiša beine ye, e emela Madi ao a tšholotšwego bakeng sa rena kua Khalibari. Ka Madi a re na

le go tlošwa ga dibe tša rena, ka tumelo ka go mošomo wo o feditšwego wa Jesu Kriste. Re swarele ga rena... gosedumele gohle, Morena, gomme re fe tumelo le kwešišo, gomme o re dire bahlanka ba Gago, Morena, gore re kgone go Go direla matšatši a rena ohle. Eba le rena, Tate, ge re tšoena mmogo go dikologa tafola ye, gomme re šegofatše ka kopanelong ye kaone ye le selalelo le Wena. Gomme a nke O bolele le dipelo tša rena le go re šupetša mošomo wa re swanetšego go o dira. E fe, Morena. Hlwekiša beine ye bakeng sa morero wo e o nepetšwego. Leineng la Jesu Kriste re a e kgopela. Amene.



*Go Ba MONG WA DILO TŠOHLE* NST62-0506  
(Possessing All Things)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Mei 6, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)